



BOOSHI NO A DUNA PREFERENCIA

Oeps! A aumenta uso di espacio aereo drasticamente y a lubida di notifica Aruba

•Pag 2



E chofer di e auto aki, un dama, a hiba un susto di su bida. Tabata ayera tardi, cu un dado momento el a hule manera cu tin un cos ta kima den e auto. El a para na banda riba e caminda grandi di Oranjestad pa San Nicolas, na altura di Ice-Berg, pa mira kico ta pasando.

Den minimo di tempo, el a mira con su auto a bira victima di un candela feroz. E por a saca su tas y algun documento na tempo, pero nada mas. E auto a kima por completo. Kico t'e causa, esei ta ser investiga.

Rafini a spanta!

Ora a yega trabou •Pag 3

Rooi Santo/ Boroncana

a keda sin coriente •Pag 3

Un biaha mas....

Motociclista a keda seriamente herida •Pag 6

No a inverti den deporte na San Nicolas •Pag 31

DIGICEL: E red mas grandi y mihor! •Pag 6

Policial**Booshi Wever no a duna preferencia y ademas tabata core cu number bieu**

AYERA mainta, alrededor di 11 or n'e cruzada Hendrikstraat y John G. Emanstraat tabata un accidente. Ora un di e chofernan a baha for di auto, esnan presente a bisa: "Mira ta Minister Booshi Wever mes. E no a duna preferencia, y ademas e ta core ainda cu number di auto bieu, dunando indicacion cu e no a paga su belasting ainda". Minister drs. Booshi Wever, afirmando cu e ta robez, a pidi e chofer femenino dispensa y a confirma di lo regla tur cos. Nos di AWE**Mainta** a ser informa cu e auto cu e mandatario ta core, ta un auto lease di R.E.Yrausquin & Sons, y como tal t'e agencia aki mester a percura p'e tin un number di auto valido. Sigur polis lo traha un procesverbal di e hechonan aki, esta Booshi Wever no a duna preferencia y ta core cu auto cu number bieu.

Oeps! A aumenta uso di espacio aereo drasticamente y a lubida di notifica Aruba

DIABIerna mainta Minister President Nelson Oduber y Minister di Turismo y Transporte sr. Edison Briesen a ricibi bishita di un delegacion di Servicio Meteorologico di Antiyas y Aruba, encabeza pa Minister di Trafico y Comunicacion di Antiyas, sr. Maurice Adriaans.

Meta di e bishita ta pa Minister President y Minister di Turismo y Transporte sera conoci cu e Director nobo di Meteo, esta sr. Albert Martis y tambe pa yega na fortificacion di e cooperacion riba tereno meteorologico entre Aruba y Antiyas.

Alabez a forma parti di e delegacion di Meteo, sr. Arthur Dania (ex-Director di Meteo), Curt Brunnings (colaborador di Minister Adriaans), sr. Reynaldo Rasmijn y sr. Maikin Pourier di Meteo Aruba.

Tur e hecho aki ta confirma cu te awe, despues di mas di 20 aña Aruba ta dependiente di Antiyas pa loke te Meteo, pa no papia mes di Control di Espacio Aereo.

Unabes na Antiyas, Maurice Adriaans, Minister di Transporte di Antiyas, a comenta cu Aruba ta sorprendi cu aumento di e route service charges ya cu Aruba no a wordo informa na tempo y tampoco a tene cuenta cu Aruba.

Segun Adriaans, den futuro lo remedia esaki dor di informa riba cambionan cu lo por tin. Pero lamentablemente ningun momento Prome Minister Nel Oduber y/of Minister Edison Briesen no a delibera pa Aruba haya su status aparte of independencia pa loke ta su espacio aereo y Meteo.

Banda di esaki Minister Maurice Adriaans, a comenta cu den e reunion cu e tabatin na Aruba cu Minister Edison Briesen tambe a papia riba e airport tax (Passenger Facility Charge) cu ta conta pa Aruba y Antiyas, cual ta wordo considera un



biahe internacional y dor di esaki ta paga riba 200 florin p'e ticket y mas cu 100 florin na impuestonan.

Maurice Adriaans ta considera cu esaki ta stroba e trafico di hendenan entre Aruba y Antiyas, specialmente e famianan y riba esaki Minister Briesen di Aruba a dune razon.

A keda palabra entre e dos mandatarionan aki cu na maart awor (un biaha mas) nan lo sinta hunto y lanta un comision pa wak con por yega na un tarifa di airport tax mas abao.

Adriaans ta considera esaki un desaroyo positivo cu lo por yuda nos comunidadnan baha gastonan ora ta bishita famianan na Antiyas of viceversa.

A comenta tambe riba e retrasonan di buelonan causa varios biaha dor di Centro di Control na Mahuma, Corsow mes. Aki segun Minister Adriaans, Edison Briesen a reconoce cu na momento cu e radar na cuminsa traha e situacion a drecha hopi.

E reunion entre e dos Ministernan a bai mas tanto riba informa otro riba desaroyonan cu lo por afecta e otro pais y riba esaki Maurice Adriaans a duna Eddy Briesen tur razon y lo drecha e comunicacion entre e dos paisnan.

Ta incomprendibel con Antiyas por bin cu un aumento di e route service charges di alrededor di 50% sin bisa Aruba nada, y despues bisa cu esei tabata un error di comunica-

cion y cu lo remedia esaki den futuro. No ta conoci si Minister Briesen lo a reacciona den un forma mas fuerte pa cu esaki, pero segun declaracionnan di Minister Adriaans, esaki no tabata e caso.

Aruba tin su Status Aparte ya pa 22 aña caba, pero hamas a logra su separacion di Antiyas riba dos aspecto y cu te awe ta costando nos isla hopi, esei ta espacio aereo y servicio di meteorologia.

Aki lo ta bon pa menciona cu Minister Rudy Croes, kende ta yena su boca cu e palabra independencia lo por cuminsa su lucha den e areanan aki. E por reuni cu su colega di Transporte y su Prome Minister pa mira con por atende cu e situacion aki mas pronto posibel, pasobra nos isla, cual su economia ta depende gran parti di turismo, y den e caso aki mas di turismo aereo, no por sigui depende di un Antiyas manera t'e caso n'e momentonan aki.

Antiyas ta dicidi di aumenta e route charges drasticamente, cual lo por tin un efecto negativo pa cu e fluho di avionnan cu ta bin Aruba, pero oeps! A lubida di notifica Aruba di e aumento aki.

Awor cu ta den proceso di cambio di estructura estatal Aruba lo por tin un chens pa purba wak si finalmente lo por tin un speracion di e espacio aereo pa di e forma aki Aruba mes tin su espacio aereo y atende riba su mes sin depende di Corsow pa cu esaki.

Trahadornan di Elmar a tene reunion bou di ora di trabou Gerencia sorprendi p'e accion



AYERA mainta, trahadornan di N.V. Elmar a dicidi di atende un reunion cu nan sindicato UEA a convoca net ora cu nan mester a cuminsa traha. Di acuerdo cu vocero di UEA, Efrain Figaroa, e trahadornan ta masha malcontento cu gerencia di N.V. Elmar, en especial cu e Director, ing. Freddy Rafini. Manera Presidente di UEA, Efrain Figaroa a declara, cu e tin 30 aña di servicio, y como tal a traha cu diferente Director, pero nunca nan a sinti nan mes, cu un Director manera ing. Freddy Rafini, kende ta masha anti-trahador. E problemanan ta hopi, e.o. cu e fondo di pensioen, unda te awe UEA no por haya representacion, pa no papia mes di un participacion real. Otro preocupacion ta, cu e 21 Parlamentarionan a acepta un mocion pa unificacion di Elmar

cu WEB Aruba N.V., y te awe trahadornan no sa kico ta pasando. Y asina tin varios otro punto mas, cu UEA kier mira clarifica. P.e. instalacion di camara, cu nan a pidi proteccion di nan autonan, pero no, gerencia ta pone camara na Hato, pero mas bien pa controla e trahadornan. Pero e punto cardinal, t'e representacion di UEA den fondo di pensioen. Ing. Freddy Rafini mas bien ta sorprendi cu e reunion aki na principio di ora cu nan mester a cuminsa traha. E no sa di ningun conflicto laboral. E asunto di fondo di pensioen di Elmar, pa loke t'e representacion di UEA, no ta un competencia pa gerencia di N.V. Elmar dicidi. Ademas e reparticion cu Efrain Figaroa a duna di e representantenan den dicho fondo ta completamente erroneo. Statuut ta bisa cu den e fondo por tin

3 trahador, pero nan ta wordo scogi p'e trahadornan di e compania mes y esei ta sosode aña pasa. Kico t'e problema actual, ing. Freddy Rafini no sa. Pesei mes e Director di N.V. Elmar ta haya e protesta aki un sorpresa, pasobra ningun dia UEA a notifica gerencia di Elmar di nan problemanan.



Policial

Accidente a laga bario di Rooi Santo/Boroncana sin coriente



DIADOMINGO anochi a drenta informe cu na Rooi Santo/Boroncana un auto a ranca un palo di lus y a laga e bario sin coriente. Na yegada di polis nan a topa cu un dama cu tabata stuur un SUV, kende a declara cu el a perde control, baha na man robaz di caminda y ranca y kibra un pal'i lus y destrui esaki completo. Debi cu e tabata herida y a haya sla interno a dicidi di laga ambulance hibe hospital pa un check-up mas extenso.



HAVE FUN WITH SNOOPY!

Collect all 8 toys only at BK. One toy in every Kids Meal.





This offer is valid while stock lasts. HAVE IT YOUR WAY!

Negoshinan den Caya Betico Croes ta sigui ta victima di vandalismo



AYERA madruga a drenta informe cu un botique den Caya Betico Croes e alarma tabata den funcion. Inmediatamente a despacha un patruya policial n'e sitio, y na nan yegada nan a constata cu ladronnan mester a drenta den e boutique y a sali bai cu placa.

E anti-socialnan a kibra un

glas den halto, pa drenta y despues sali bek cu e caha di placa dor di e mesun parti kibra. Durante cu nan tabata hui, varios placa di papel a cai na caminda, como tambe placa larga di 5 florin, 1 florin etc. Dilanti di e negoshi mes y riba e stoepi, por a mira biyetenan di 100 dollar.

Aki agentenan policial a colecta e placa tira abao y a yega te na un suma di alrededor di 600 dollar. A solicita pa ayera mainta Departamento di Investigacion Tecnico (TOD) pa mira si por haya vingerprint di e anti-socialnan. Recherche tin e caso bao di investigacion.

Awor hasta wiel y tire di auto ta ser horta, pero e biaha aki a haya nan basta liher



DIALUNA madruga un ciudadano ta raporta cu ladron lo a horta 4 tire cu riem na nan. E auto tabata staciona den Schelpstraat. E anti-socialnan a kita 3 di e wielnan y a pone bloki nan lugar, mientras cu nan a forsa e baul tambe pa saca e spare-tire.

Polis a presenta n'e sitio y a tuma nota di e keho di e ciudadano. Un rato mas despues

e mesun patruya cu a tuma keho, ta ripara ora nan tabata pasando den Avenida Alo Tromp, un homber ta hincando 4 tire den su auto ora cu polis a yega cerca nan a ripara cu aki ta trata di e 4 wielnan horta. Polis a papia cu esnan den cercania y nan a declara cu un conocido di polis lo a pone nan cerca di e auto, pero e doño di e auto tabata papia algun cos bruha

cu el a haya algun tire poni na banda di su auto staciona pariba di Hotel Bacara. Polis ta controla e wielnan aki y ta descubri mesora cu esakinan ta esnan cu ta precedente di robo un rato prome.

Nan a combersa cu e personanan den cercania y e version tabata un poco contradictorio. Polis a avisa e persona cu kier a bira doño di nan cu esakinan ta cosnan horta, y si e cumpra, tuma, warda of sconde, e ta ta haci su mes culpabel na incubrimiento. Despues di pone e wielnan den patruya, e agentenan a hiba esaki Warda di Polis pa pone nan na disposicion di e doño. Mientras un procesverbal a ser traha y awor ta depende di Ministerio Publico si ta persigui e sospechoso penalmente of no.

Awor si t'e colmo



LADRONNAN na Mon Plaisir a dicidi di horta un auto pa bai comete ladronia cune. Pero algo mester a stroba nan, cu despues di a bai horta, nan a bai laga e auto, sin bai cu e mercancia cu nan a horta.

Polis a bin haya tur loke cu a ser horta, unda ningun hende sa ainda, atrás pa polis confisca nan.

Scohe for di MAS di 500 AUTO



Fecha: 2 di Maart, 2008
Orario: 10:00 AM - 3:00 PM
Lugar: YMCA (San Nicolas)

*Pasa na bo banco preferi pa bo aprobacion adelanta.
Corda trece bo rijbewijs valido y 2 ultimo payslip! (salario mensual)*



ARUCAR • STERN • TOPCAR • ULTIMATE



Policial**Motociclista a keda seriamente herida**

UN bromer cu tabata core riba e carretera principal direccion San Nicolas pa mas o menos 3.00 di madrugada, dialuna ultimo. Según e motociclista, el a bai kita pa un cacho na altura di e cruzada di Pieterboerstraat na Cura Cabai y consecuentemente a perde control. E motociclista a cai y lastra te banda di e percela Brazil 1 cu ta keda un basta distancia. Ambulance ta ser yama pa transporte pa poli di Dr. Horacio E. Oduber Hospital. Por mira cu e motociclista a haya masha sla mes.

E compania di celular mas grandi den Caribe ta lanza lema nobo **DIGICEL: E red mas grandi y mihor!**



penetracion di celular a subi for di 10% na 2001, te actualmente na 80%. Tur esaki danki na entrada di Digicel den e mercado di Jamaica.

“Digicel su lema nobo E Red mas Grandi y Mihor ta un descripcion cla di e calidad y cobertura di nos rednan y ta re-afirma nos abilidad pa introduci inovacionnan excitante di tecnologia. Ehempel bibo ta e tecnologia di GPRS y WIMAX, cu ta un servicio di broadband sin kabel”, asina e Gerente General di Digicel Aruba, Sra. Michelle Winklaar a duna di conoce. “Nos ta keda pasiona tocante nos promesa pa duna e mihor servicio di telefon celular na tur nos clientenan.”

Di acuerdo cu Winklaar, e lema nobo aki ta refleha tambe e inversion den e infraestructura "state of the art" y e sociedadnan solido cu lidernan mundial den tecnologia GSM, GPRS, CDMA y Wireless Broadband. Digicel a traha rednan di GSM den un forma masha rapido, cu ta permiti avancenun tecnologico importante y confiabel cu cobertura superior. E compania ta e prome operador di GSM den Caribe y simultaneamente a ofrece "CDMA Roaming" den varios mercado.

Pa loke ta trata e mercado di Aruba, e aña aki e compania ta celebrando no menos cu 5 aña di existencia. “Nos tin hopi di celebra. Mas cu djis nos prome lustro, mi ta kere cu na Aruba nos mester celebra engrande cu Digicel a percura pa cambia henter e panorama di telecomunicacion di nos isla”, asina Michelle Winklaar a enfatisa. “Ta pesei nos a lanza nos campaña di prome lustro cu no menos di 50 mil florin na premio. “E inversion cu Digicel a haci den e mercado local pa por percura pa un cobertura total ta grandi y e no ta cla ainda”, Michelle Winklaar a termina bisando. Di e forma aki e compania ta re-afirma nan lema...”E Red mas Grandi y Mihor”.

Digicel

E Red Mas Grandi y Mihor.

E compania di telecomunicacion mobil di mas grandi y cu e crecemento mas rapido den henter Caribe y alabez un entrante nobo den e mercado Centro Americano, esta Digicel, a introduci un promesa nobo di marca. Awor Digicel su lema ta "E Red mas Grandi y Mihor".

E lema di e marca Digicel ta establece un momento defini pa Digicel, re-enforsando e compania su abilidad pa rapidamente construi rednan di celular "state of the art", tarifanan pa yamadan di celular hopi mas abao y dunando clientenan cober-

tura di rednan di clase mundial den tur e 23 mercadonan.

E slogan nobo tambe ta nifica, rednan di primera clase di Digicel, cu casi 100% cobertura di poblacion y abilidad sin igual pa introduci inovacionnan excitante di tecnologia nobo na comunidadnan cu nunca antes tabatin servicio di celular.

For di tempo cu a lanza Digicel na Jamaica na aña 2001, e compania a experencia un crecemento tremendo te cu awe y aumento significante di penetracion mobil y cobertura di rednan pa poblacion, den henter Caribe. Na Jamaica p.e. e

Melvin Tromp di AVP

Gobierno di Aruba ta puro buraco den presupuesto y mas medida pa pueblo

Terquedad di gobernantenan ta perhudicando nos pueblo

PUEBLO aArubano bao maneho di partido MEP a siña conoce e peor gobierno den historia di Pais Aruba, segun Melvin tromp di partido AVP. E a bisa esaki mirando cu practicamente e pueblo aki a ser strangula den tur forma pa

motibo di tur e aumentonan y medidanan cu e gobierno aki a haya ta bon pa implementa riba lomba di pueblo. E ta considera mas inaceptable ainda e forma con e gobierno aki ta laga terquedad vence riba interes di pueblo sin pie-

dad si mira cuanto problema creciente nos pueblo ta confrontando pa motibo di un mal gobernacion Segun Tromp, no obstante e avalanchanan di promesa cu e gobierno aki a haci na e pueblo, awe nos pueblo ta

testigo principal cu no por mas y cu bida bao di maneho di e gobierno aki Pais Aruba a para bira un pais impagable y sin un solucion. Aki e ta referi na e tantisimo aumentonan cu e gobierno aki a haya ta bon pa implementa riba pueblo y tur

esaki pa un gobierno cu a genera mas placa compara cu tur otro gobierno. Pero tur esakinan ta simplemente pa e fiesta di friends and family por sigui mientras cu pueblo mes ta ser hundi mas y mas den man di e gobierno di partido MEP. Apesar cu e gobierno aki ta e gobierno di Aruba cu a ricibi mas entrada awe pueblo un biaha mas ta bay encontra mas medida. E biaha aki ta bay ta SERLIMAR caminda cu lo bay cobra pa recohe sushi y segun informacion ta bay cobra Afl 40 mensual y tur esaki ta debi cu na SERLIMAR tambe e gobierno aki a crea un buraco di 19 miyon florin na momento cu a opta pa cambia e posicion di e departamento aki. AZV ta cargando un deficit di 30 miyon florin y awor e mesun gobierno aki kier primi e pueblo aki un biaha mas. Tromp ta bisa cu tur cos ta indica segun cifranan cu pa otro aña AZV lo bay tin un deficit entre 38 pa 40 miyon florin y aki tambe ta pasobra no tabatin un maneho benefico pa pueblo. Aki tambe ta bay impone mas medida riba pueblo cu lo ta sea cu pueblo ta bay paga eigen bijdrage of lo bin cu e cuchiu como solucion con ta bay corta e pakete di atencion medico pa un y tur. Esaki a pesar cu ta e gobierno aki a priminti cu den e promer 90 dia di nan gobernacion lo percura pa reduci e pago di prima di AZV pero aki tambe ta muestra bon cla cu ta palabranan manera manteca cu ta cambia color na momento cu candela coy su curpa mientras salud di nos hendenan ta keda ser negligha pa falta di conocimiento di maneho Pregunta grandi lo ta kico ta e interes di e gobernantenan aki si ta obvio cu nos situacion ta empeorando riba nos pais y mas ainda no tin ningun indicacion cu nos lo conoce un solucion por lo pronto., Melvin Tromp a finaliza bisando.



RBTT Bank presente na Car Extravaganza

CAR EXTRAVAGANZA

2 di Maart, YMCA San Nicolas, 10:00 am - 3:00 pm

Probeta di nos oferta special:

- 3% di descuento riba prestamo pa auto nobo
- 2% di descuento riba prestamo pa auto segunda mano
- 30% di descuento riba bo seguro di auto nobo
- Ricibi un tarheta di credito di USD 1,000 cu aprobacion di bo prestamo

Suma di prestamo	Pago na 16%	Paga mensual cu 3% di descuento	Scapa total den 5 aña
20,000	486	455	1,860
30,000	730	683	2,820
40,000	973	910	3,780
50,000	1,216	1,138	4,680

Sumanan den Florin Arubiano (AWG)

Pasa awe mes na un di nos oficinanan y pidi pa bo pre-approved letter!

Pa mas informacion yama nos RBTT Service Line na 588.01.01

Interes efectivo di prestamo pa auto nobo 13%
Interes efectivo di prestamo pa auto segunda mano 16%



ITALIËSTRAAT 36, ORANJESTAD • L.G. SMITH BOULEVARD 66, ORANJESTAD • CAYA G.F. (BETICO) CROES 89, ORANJESTAD
PALM BEACH 5-A, NOORD • B V/D VEEN ZEPPENFELDSTRAAT 52, SAN NICOLAS
SERVICE LINE: 588-0101 • OFFICES: 523-3100 • FAX: 582-1756 • E-MAIL: INFO@TT.RBTT.COM • WWW.RBTT.COM

Atrobe cu e mihor deal di auto riba mercado

R.E. Yrausquin & Sons ta lanza su campaña: “Right Now”

E agencia di auto cu mas a crece den aña 2007 atrobe a lanza un campaña sensacional p’e fin di siman aki. E campaña cu a haya e nomber di “Right Now” ta dedica specialmente na modelonan di auto di marca Ford. E campaña aki ta combina hunto cu Aruba Bank, Boogaard Asurantie N.V., Maduro Travel y tambe cu e compania di seguro Nagico Insurances. Tur hende cu cumpra un auto diasabra awor, dia 1 di maart lo por goza di un sin fin di beneficienan. “E campaña aki ta pa un solo dia y ta conta solamente p’esnan cu sera nan deal diasabra awor dia 1 di maart”, asina Juan David Yrausquin, Gerente General di R.E. Yrausquin & Sons a duna di conoce.

“Claro cu clientenan por pasa den siman pa check nan auto y hasta pa reserva nan auto. Tambe nan por pasa Aruba

Bank pa cuminsa yena nan aplicacionnan, pero e campaña ta solamente p’esnan cu cumpra of haya aprobacion riba diasabra awor”, asina Yrausquin a enfatisa.

E oferta ta encera cu awor t’e mihor momento pa cumpra bo auto nobo y ricibi e mihor descuento y beneficienan tambe. Den esaki e agencia di auto Ford ta duna clientenan cu cumpra un modelo Ford nobo-nobo e posibilidad pa cumpra nan auto diasabra awor y bai cune mesora tambe, conoci como e fenomeno cu R.E Yrausquin & Sons mes a introduci na Aruba cu t’e “Buy Now – Drive Now”. Separa di esaki, R.E Yrausquin & Sons y Aruba Bank ta duna e cliente e oportunidad pa cumpra nan auto Ford awor y cuminsa paga te na maart di aña 2009.

E condicion mara n’e oferta aki



ta cu e auto mester ta riba Afl. 50.000 pa por bini na remarke pa cuminsa paga otro aña, pasobra sino ta cumpra dia 1 di maart y ta cuminsa paga na fin di juni 2008.

E mesun Aruba Bank a percura pa tur cliente cu cumpra un auto diasabra awor na R.E Yrausquin & Sons pa nan haya un taza di interes reduci riba nan auto nobo. Esaki sigur lo ta algo masha beneficioso p’e clientenan cu lo mester paga un tarifa menos pa luna na banco. Tambe hunto cu Boogaard Asurantie N.V. y e compania di seguro Nagico, a yega na un deal special pa clientenan di R.E Yrausquin & Sons cu ta cuminsa na duna tur cumprador di nan auto modelo Ford un seguro cu ta cuminsa na 40% di “no-claim discount”.

E descuento aki sin embargo por subi te cu 70% dependiendo di e cantidad di añanan cu e cliente ta coriendo su auto caba sin causa un desgracia. Y como cu e clientenan di Nagico Insurances ta goza di e facilidad di por conta cu e servicio di 24/7 Road Service den forma gratis, tur cliente cu cumpra nan auto diasabra awor tambe lo tin e mesun beneficio unico aki.

R.E Yrausquin & Sons mes a percura pa duna descuentonan adicional na tur e modelonan Ford di aña 2007 cu tin den stock ainda. Como cu hopi hende ta pendiente p’e autonan aki, ta corda tur hende cu aki ta aplica e regla di “first come, first serve”, pues esun cu yega prome ta bebe awa limpi. Nan ta autonan nobo-nobo, pero “over-year”. Y comosifuera poco, R.E

Yrausquin & Sons ta regala un di e clientenan cu cumpra un auto diasabra awor un ticket pa dos persona bai disfruta di Carnaval na St. Maarten na fin di april proximo.

E campaña ta start e siman aki, pero e unico dia pa cumpra bo auto nobo na interes reduci, cu oportunidad di paga te otro aña, cu descuentonan adicional riba bo seguro di auto y cu chens pa gana pasashi pa dos persona bai disfruta di Carnaval di St. Maarten ta diasabra awor for di 9’or di mainta te cu 3’or di atardi.

Ta recorda tur hende cu por cuminsa aplica y haci tur papeleo for di den siman caba. R.E Yrausquin & Sons ta convenci cu e campaña aki atrobe lo reafirma nan posicion di t’e agencia di auto cu mas lo sigui crece den aña 2008 tambe!



NOS TA REGALABO UN CELULAR

Si bo tip conduci na un articulo exclusivo den AWE**Mainta** Potret saca cu camara of celular tambe ta participa

TIPLINE

sms: 733 -TIPS, hotline: 733-8477

of email: tips@awemainta.com



Digicel
Spera Mas. Hanja Mas.

Ganadornan di Premio di San Valentino a ricibi nan regalo!



a participa cu e campaña aki den cual nan por a gana premionan tambe ademas di haci nan compra pa e regalo pa nan sernan queri.

Recientemente a saca e ganadornan di e campaña aki y e ganadornan a resulta di ta: Sra. Enmy Thijsen cu a gana e prome premio cu tabata un "weekendstay" na The Aruban Resort & Casino. Di dos premio a bai pa Sandra B. Croes cu tabata un cena pa dos persona na El Gaucho. Ganador di e di tres premio ta M. Werleman cu tambe a gana un cena pa dos persona na Amazonia.

MANERA ta conoci, SETAR a tene un tremendo campaña den luna di februari, e luna di amor. Hopi ta esnan cu

Jesus Cardoso, GM di Occidental Grand Hotel di bishita serca Minister President




DIABIERNA mainta Minister President sr. Nelson Oduber a ricibi bishita di e Gerente General di Occidental Grand Hotel, esta sr. Jesus Cardoso. Meta di e bishita ta pa participa na sr. Nel Oduber cu e school cu Occidental Grand a adopta

recientemente, esta Colegio Laura Wernet-Paskel na Kadushi Largo a haya un man di verf y tambe algun computer y otro necesidadnan p'e scol. Tambe sr. Jesus Cardoso a participa cu nan ta sumamente contento di ta na Aruba y cu

siguramente nan lo sigui contribui na yuda eleva e calidad di turismo. Minister President Oduber a gradici sr. Jesus Cardoso pa nan bunita contribucion n'e scol y cu esaki tambe nan ta demostra di ta un bon ciudadano den e pais aki.

Contamento di Cuenta cerca nos Grandinan



DIABIERNA mainta tabatin clausura di e proyecto di contamento di cuenta pa nos gran-

dinan na St. Michael Paviljoen. St. Michael paviljoen ta un cas di anciano cu 100 habitante den centro di Oranjestad. E sala grandi tabata yen yen di hende cla pa scucha storia for di señora Olga Buckley. Y esaki a bai hopi bon, e publico a scucha cu atencion y na e harimento bo por a ripara cu nan tabata goza. Despues cu Sra. Olga Buckley a conta su storia a sigui cu un

presentacion di Grupo di teatro Wali Shali cu un comedia titula 'Esaki ta amor?' A clausura e mainta cu musica di caha di orgel y bailamento. Durante tres luna semanalmente Biblioteca Nacional Aruba a bishita un Cas di Anciano na unda a presenta un programa di un ora. Cu cooperacion di e poeta Jim Jabs y e autornan Sra. Olga Buckley, Sra. Munye Oduber-Winklaar esaki a bira un exito. Riba programa tabatin principalmente contamento di cuenta y declamacion di poesia, pero tambe a pasa un pelicula tocante Aruba y despues tabata toca musica bailabel pa clausura e programa. Organizacion tabata na encargo di Biblioteca Nacional Aruba y a ricibi un subsidio di UNOCA como sosten. Sra. Astrid Britten, directora di Biblioteca Nacional Aruba, a sera e mainta gradiciendo tur instancia y personanan cu a duna nan aporte na e proyecto.

Invitacion pa oracion na San Hudat Tadeo

LAGA nos sigui como devoto na San Hudat Tadeo pa invita bo persona p'asina aki nos por reza hunto y hinca den su man nos intencionnan y plannan pa e por hiba nan na nos Tata Dios. Dia 28 di cada luna lo tin reza-mento na un cas di un devoto, awo nos ta sigui y e siguiente oracion lo tuma luga riba dia-huebs 28 di februari na cas di famia Kock-Rafini, Weg Seroe Blanco 17B, cuminsando 7'or y mei anochi. Pa yega na cas di famia Kock-Rafina, tuma e caminda di Caya Jose Geerman antes Congoweg San Nicolas, yega na Jhonson Supermarket, bira na man robes drenta Palisiaweg yega na final, bira

na man drechi sigi core pasa un y yega na di dos bocht, y e cas ta keda net den e di dos bocht. E cas su cura ta geel cu blauw. Un y tur ta bon bini na e oracion aki. Pues p'esei no keda sin asisti y lo bo keda segura cu Nos Señor lo no nenga di scucha San Hudat Tadeo y nos su yiunan cu nan peticionnan. Bo devocion sigur lo engrandece y tin San Hudat Tadeo como devoto ta algo grandi. Laga nos comparti nos testimonio tambe cu nos Rumanan den Cristo, confirmando cu Hesus ta Esun di ayera, awe, mañan y semper y ku E ta bibo y cu San Hudat Tadeo a yuda nos experiencia esei!

Florece cu Roy™
 cortesía di:

 y
FANTASTIC GARDENS
 photo: isings@setar.net.aw

Muha bo mata hopi mas sabi

SI, nos por pone un slang di awa core y warde y warde muha nos mata, quizás e unico cos cu nos ta haci ta perde tempo y gasta awa. O.k. mi ta cumpronde, bo kier mima e matanan y sprui e blachinan cu awa y fertilisante of sin fertilisante. Mi por comprende pasobra ami tambe ta gusta haci esei. Pero esei mi ta haci pa mi matanan "fini" manera mi orchideanan, mi bromelia, caladiums, alocasianan, lisenbein, peperomia etc. of mi matanan den veranda. Pero si bo mira bon nos por spar tempo door di pega un sistema di drip, riba tur e otro matanan. Kon? Sempel, manera un red

di awa den bo cas. Un tubo mayor ta sali pa bo sistema di distribuí e awa, manera un, dos of mas valve automatico y un time clock. Pa simplifica lo mi dividi e topico aki den varios articulo.
 Prome cos mi kier papia di tubo y awa. Cada tubo por entrega awa na un cierto capacidad. Un tubo di koper di mes tamaño cu uno di plastic por entrega mas awa cu uno di polietileno, manera un slang preto di drip. Pakico? E tubo di koper ta mas rigido cu esun di drip, consecuencia menos energia ta bai pa bringa e tubo pa hancha. Mas flexibel un tubo ta menos



capacidad maximo di awa e por carga por lo general. Moscos, un tubo di un duim por carga mas awa cu uno di mei duim. Un tubo di e mesun tamaño y material cu ta cortico por entrega mas awa cu uno largo. Un tubo atrobe, di e mesun sorto y largura cu ta straight por entrega mas awa, cu uno cu hopi bocht y birada. Si, esei ta un factor hopi grandi den un drip system pasobra sa tin hopi bocht den un sistema di drip. Ora bo ta traha cu drip system bo no mester ta bakia den e

hechonan aki pero por lo menos bo mester tene cuenta cu ne. Hopi biaha nos kier cuminsa cu un tubo di mei duim e hibe tur caminda y djei keda sorprendi cu nan final e no ta duna mucho awa. Otro cos pa sa. E cantidad di dripper cu bo ta pone riba un solo slang tambe ta influencia bo capacidad hopi. Imagina bo mes, un tubo di mei duim di 30 meter largo por carga eficientemente 5 galon pa minuut, locual ta 300 galon pa ora. Ban bisa bo a pone 200 dripper di 2 galon pa ora, kier men bo

mester di 400 galon pa ora, 100 galon di awa di menos. Importante ta cuanto galon pa minuut of ora bo meter di WEB ta dunabo, Sin menciona si bo ta laba paña of tin dos hende ta usa awa den baño. Of si bo tin un pomp, cuanto awa bo pomp ta dunabo. Tur e cosnan aki ta hunga un rol importante. Un cos hopi hende ta quibocanan mes ta e presión cu un dripper mester. Un dripper mester flow, no presión. E motivo ta cu e presión ta stroba e mesun awa di pasa door di e dripper pa motibo di un cos cu nos ta yama fricción, of weerstand. Pesei si bo presión ta halto lo bo mester pone un pressure regulator, algo pa reduci e presión. Den e siguiente parti mi ta bai toca e tema di time clock, y valvenan pa usa. Después e typo di dripper of sprayer bo por usa y pa cua mata.

We do NOT need sissies!

Opportunidat pa Trabao
Chief Mechanic

- 3 aña di experiencia den posishon similar
- Nivel di pensa of traha di MTS
- Bon organisa
- conosemento basico di computer
- Rijbewijs ta necesario

Dasa awe mes y yena e formulario
 Pa mas informashon yama
 583-2650 ext.229 of 238




Fantastic Gardens
 PERFECT LANDSCAPING
 Caya Cuida Bo Cura 14, Bushiri. Tel.: 297-583-2650
 www.fantasticgardensaruba.com

Fantastic Gardens exist to bring nature closer to you and to make Aruba one Fantastic Garden.

Recibimento ta serca
No busca Leu
“Manchito’s



Pa tur bo articulo di Prome santa communion

Mercancia nobo a yega, tanto pa mucha muhe y mucha homber !



FERGUSONSTRAAT 71, ORANJESTAD, ARUBA
 TEL/FAX: (297) 582-2303

Construccion Scol Basico na Kudawecha ta Bayendo den Bon Rumbo

MINISTER drs. Marisol Lopez-Tromp ta invita henter pueblo especialmente pueblo di Noord y henter Parlamento pa pasa na Kudawecha y admira construccion di scol basico na Kudawecha. Manera informa den pasado Gobierno a opta pa

construi un scol nobo na Noord a base cu e poblacion den e distrito di Noord a crece hopi den ultimo añanan y e scol basico publico di Washington na Noord a surpasa su capacidad maximo.

E scol basico na Kudawecha

lo ta situa net patras di e veld di Kudawecha. E scol basico lo conta standard cu 12 klas y un gymzaal. E inversion di construccion di e scol aki ta di 6.45 miyon florin.

Minister drs. Marisol Lopez-Tromp kende tin un compro-

miso cu mehoracion di calidad di enseñansa na Aruba ta hopi contento cu e construccion di e scol basico di Kudawecha y e otro proyectonan di renobacion ta cuminsa pronto. Cu e scol aki Gabinete Oduber IV ta sigui inverti den futuro di Aruba.



Ta KIA so por dunabo

5 Aña
of
100.000km
di **Garantia**



Picanto 2008

Automatic Transmission, Motor 4 Cylinder, 1.1 liter, Super Eficiente, Power Windows, Power Locks, Radio CD y hopi mas!

desde

Afl. 499,- pa luna*

Prijs Normal ta Afl. 23.950,- incluyendo BBO

Y nos ta Celebra e Introduccion di e SUPER GARANTIA di KIA:

Si bo cumpra bo auto Diadomingo 2 Maart KIA Motors lo dunabo hopi specials tambe:

- Seguro All Risk pa Afl. 899,- (promé aña)
- Free Roadside Assistance (1 aña)
- Tickets pa De Palm Island (net pa Semana Santa)

Kico bo ta warda? Yama awe mes y reserva bo KIA Nobo!

Rio Cinco 2008



Automatic Transmission, Motor 4 Cylinder, 1.6 liter, Super Eficiente, 5 Door Sport Back, Power Windows, Power Locks, Radio CD y hopi mas!

desde

Afl. 655,- pa luna*

Prijs Normal ta Afl. 31.300,- incl. BBO

Cerato 2008



Automatic Transmission, Motor 4 Cylinder, 2.0 liter, Super Eficiente, 4 Door Sport Sedan, Power Windows, Power Locks, Radio CD, Alloy Wheels, Rear Spoiler y hopi mas!

desde

Afl. 770,- pa luna*

Prijs Normal ta Afl. 36.900,- incl. BBO

Optima 2008



Automatic Transmission, Motor 4 Cylinder, 2.0 liter, Super Eficiente, 4 Door Full Size Sedan, Power Windows, Power Locks, CD with Steering Wheel Audio Controls y hopi mas!

desde

Afl. 815,- pa luna*

Prijs Normal ta Afl. 39.000,- incl. BBO

Opirus 2008



Automatic Transmission, Motor V6, 3.8 L, Super Smooth y Poderoso, 4 Door Luxury Sedan, Fully Equipped, Leather Seats, Infiniti Sound System, Large Alloy Wheels, Keyless Entry + Alarm, Remote Window Shade y Hopi Mas!

desde

Afl. 1395,- pa luna*

Prijs Normal ta Afl. 67.300,- incl. BBO

Banconan lo tey presente pa Financiabo Facilmente!

Corda trece bo carta di Trabao, 2 of 4 Payslip y bo Rijbewijs.

Bin cu henter famia pa disfruta di nos ambiente familiar Diadomingo. Lo tin snacks y bebida pa tur presente!

Bo tin Trade-In?

No ta Problema!

Trece bo auto cu bo kier Trade-In**, y nos ta dunabo un evaluacion Diadomingo. Asina bo por hanja bo KIA 2008 Mas Facil!

Na Unda?

KIA Motors Savaneta
Diadomingo 2 Maart di 9am - 3pm!



KIA MOTORS
The Power to Surprise™

Italiestraat
583-7100

Schotlandstraat
588-3959

Savaneta
584-4200

KIA MOTORS TA MIEMBRO DI SAN NICOLAS BUSINESS ASSOCIATION

Caminata anual Colegio San Hose

COMISION di Mayor di Colegio San Hose ta organizando su cuarto caminata anual di 5km diasabra 8 di Maart venidero saliendo y terminando na Colegio San Hose na Santa Cruz. Prijs pa persona ta solamente Awg. 5,- y lo cuminsa pa exactamente 5:30 pm. Ticketnan ta obtenible cerca tur alumno, docente y miembronan di comision. Tambe por cumpra ticket y registra e dia ey desde 4 pm na Colegio San Hose. Lo tin awa, fruta y doorprize masha atractivo na final pa rifa entre tur e participantenan. E ruta lo ta saliendo for di scol den direccion Veld di Estrella, pasando den Papilon, Yucuri, Mahuma, Santa Marta y terminando bek na Colegio San Hose.

Meta di nos caminata ta pa recauda fondo pa cumpra computer cu falta na scol.

Pueblo di Aruba en general y especialmente e pueblo di Santa Cruz, ta keda cordialmente invita pa bin relaha y cana cu nos y contribui na un bunita causa. Canamento ta sano y nos ta wardabo!

AWEMainta
a corant di tata

Nos e-mail:

noticia@awemainta.com

Tel: 583-1400

Fax: 583-1444



Si bo no kier warda te diadomingo, pasa awe mes cerca nos y reserva bo KIA!

**E auto cu bo kier trade mester ta aña 2002 of mas nobo. Mester ta den bon condicion.

Internacional

Polis morto y dos herida den ataque di FARC



UN agente di polis colombiano a muri y otro dos a resulta herida despues di un ataque perpetrado pa gueriyeronan di FARC ayera, contra un patrulla den e zona bananera di Urabá, segun informacionnan. E rebledenan di FARC a ataca e patrulla marduga na e sitio di "Lon-

ganí", riba un carretera entre e pueblonan di Chigorodó y Mutatá (departamento di Antioquia), un vocero policial a indica. Den e hecho e polis Walter Zuleta a muri y otro dos compañero a worde transporta pa un hospital local di e region, pa ricibi tratamiento.

Otro dos polis a resulta herida diadomingo na departamento di Huila, ora otro fraccion di FARC a detona explosivonan contra equiponan electrico cerca di e municipio di Íquira, loque a causa un black-out momentaneo na un parti di Neiva (capital di e departamento).

Cas Blanco ta bagateliza yegada di Raúl Castro na presidencia cubano

CAS Blanco ayera a bagateliza e importancia di e designación di Raúl Castro den presidencia di Cuba y a reafirma e rechazo di president George W. Bush pa lanta e embargo cu Washington ta aplica riba e isla di gobierno comunista. "E unico cos cu a cambia ta cu un otro lider a surgi pero no tin indicacion cu e lo permiti

e pueblo di Cuba pa busca un futuro prospero y liber", e secretario di prensa di Cas Blanco, Dana Perino, a laga sa. "Loque nos ta spera ta cu nan ta capaz pa inicia un caminda democratico. Nos ta sigui apoya nan aspiracion pa un miho bida pero e posicion di e president (George W. Bush) riba e embargo no a cambia", e'la añadi.



Embahador di Merca ta pidi disculpa na Colombia

E embahador di Merca dia-berna ultimo a pidi disculpa publicamente na canciyería colombiano pa e incidente diplomatico cu e'la causa cu un declaracion riba Venezuela.

"Un embahador invita y acredita na un pais tin e obligacion pa no causa problema pa e gobierno na cual e ta acredita", embahador William Brownfield a bisa reporteronan saliendo di un evento academico na Bogotá.

"Mi ta desea di pidi disculpa publicamente na e momentonan aki, na e distinguido

canciyer doctor (Fernando Araujo y canciyería (colombiano) pa a causa e momento complica chiquito aki den su relación cu otro país", e diplomatico mericano a indica.

Den un entrevista cu Radio Caracol siman paasa, Brownfield a sigura cu e trafico di cocaína via Venezuela a aumenta di 20 y 30 tonelada anual pa entre 200 y 300 tonelada pa aña, cual comentarionan a molestia e gobierno venezolano.

E molestia venezolano a cuminsa cu declaracionnan na Bogotá di e zar antidroga meri-

cano mericano, John Walters, cu despues di un reunion cu e mandatario colombiano, Alvaro Uribe, a señala cu Chávez ta "birando e gran facilitador di trafico di cocaína pa Europa y otro partinan di hemisferio pa motibo di su negligencia pa combati narcotrafico".

E canciyer venezolano Nicolás Maduro, a cita e embahador di Colombia na Venezuela, Fernando Marín, pa expresa e incomodidad di e gobierno di su país pa e declaracionnan mericano. E conversacion a worde califica pa Araujo como un "reunión amabel".



William Brownfield



Raúl y Fidel Castro

Raúl Castro ta president di Cuba



PA prome biaha den cinco decada cubanonan lo no tin Fidel Castro como nan president. Manera nos a anuncia ayera, Raul Castro, ruman di Fidel a worde nombra president di Consejo di Estado y a sigura cu e lo mantene e rumbo di e revolucion, ora e'la asumi e poder den un hitorico reunion di parlamento cubano.

“Mi ta asumi e responsabilidad cu ta worde poni riba mi”, e'la bisa den voz firme dilanti e parlamentarionan di Asamblea Nacional di Poder Popular (ANPP) cu a elegié pa encabeza Consejo di Estado pa cinco año.

Raúl a pidi permiso di parlamento pa mantene consulta cu su ruman den asuntonan mas delicado di e estado, manera esunnan relaciona cu defensa di e pais. E parlamentarionan a acepta e peticion di manera inmediato y unanime lantando nan man.

Su di dos a bordo awo lo ta José Ramón Machado Ventura, un docter di 77 año di edad, y dirigente di e poderoso Partido Comunista di Cuba (PCC).

Su designacion tabata un sorpresa ya cu e favorito tabata Carlos Lage, di 56 año, cu ta mantene su encargo di vicepresidente.

E configuracion di 31 miembro di Consejo di Estado no parece di bai trece cambionan substancial na Cuba, e unico nacion comunista di e continente.

E vice-presidentenan di Consejo di Estado lo ta Juan Al-

meida Bosque, Esteban Lazo, Carlos Lage, Abelardo Colomé Ibarra y general Julio Casas Regueiro. Como secretario lo keda José Miguel Miyar Barreos, estrecho colaborador di Fidel Castro.

Menos carismatico cu Fidel, Raúl a laga sa bon cla cu e lo apoya su mes riba PCC: “e garantia sigur di unidad di nacion cubano” y “digno heredero di e confianza deposita pa e pueblo den su lider”, e'la comenta den su discurso di aceptación.

Raúl a patenta su estilo di pragmatico “cu pia na tera”: e papia cu e cubanonan di temanan economico sensibel manera eficiencia productivo y tambe e necesidad di mehora nan salario.

“Nos ta investigando, por ehempel, tur cos relaciona cu implementacion, na su debido tempo, di e ideanan di compañero Fidel riba e revaluacion progresivo, gradual y prudente di e peso cubano”, e'la bisa, sin dreña den detaye pero a laga vislumbra cu e tema pé ta mes relevante cu pa mayoria di ciudadano. Cubanonan ta haya un salario promedio di 408 peso cubano

(± 18 dolar), den un sistema economico cu ta inclui salud y educacion gratis, y subsidionan importante di alimentacion y servicio.

E flamante mandatario atroba a muestra di ta habri pa multiple opinion, contal cu esakinan no alimenta criticonan, particularmente esunnan na Merca, un pais cu ta mantene un embargo inflexible cu e unico meta pa reemplaza e gobierno comunista.

“Revolucion ta un obra di muher y hombernan liber

y tabata permanentemente habri pa debate, pero nunca e'la cede pa presion, y tampoco

co por a worde influencia pa presion, ni grandi ni chiquito”, e'la bisa.



UE y NATO ta descarta particion di Kosovo y lo cubri henter e teritorio



kosovo

UNION Europeo (EU) y NATO (North Atlantic Treaty Organization) a adverti ayera cu nan respectivo misionnan, civil y militar, na Kosovo ta pa cubri henter e teritorio y a descarta cualquier posibilidad pa e regionnan di mayoria serbia independisa nan mes di e estado nobo.

Den un aparicion conhunto dilanti medianan di prensa, e Alto representante di UE, Javier Solana, y e secretario general di NATO, Jaap de Hoop Scheffer, a insisti den nan yamada pa calma y moderación.

“Mi ta e prome pa comprende e frustracionnan di Serbia, pero laga nos mira padilanti”, tabata peticion di e maximo responsabel di e Aliansa Atlantico, pa ken ta fundamental pa “caba cu e argumentonan inútil” si kier supera e tensionnan entre occidente y Belgrado.

De Hoop a anuncia cu den e proximo cumbre di Hefenan di Estado y di Gobierno di NATO, cu lo tuma luga na Bucarest na principio di april, un proposicion special lo worde haci na e region di Balkan, y specialmente Serbia, pa “profundisa” den nan relacionnan.

“Mas aya di un posibel invitacion (pa drenta e organizacion), nos tin un vision mas general pa Balkan”, De Hoop a splica.

Solana tambe a muestra “dispuesto pa profundisa tur loque ta posibel” cu Serbia, y a recorda cu e oferta di un acuerdo polí-

tico interino ta sigui riba mesa, wardando pa Belgrado acepta pa firmé.

E pacto aki a worde diseña despues di e veto hulandes pa firma un Acuerdo di Stabilizacion y Asociacion mientras algun criminal serbio di e guerra di Bosnia, entre nan Radovan Karadzic y Ratko Mladic, no worde entrega na Corte Internacional na Den Haag.

Ora a puntre pa e posibilidad cu Serbia ta ricibi un “trato special” den su acercamento na UE, considerando e situacion crea pa e proceso di secesion di Kosovo, Solana a responde cu lo sigui e canalnan habitual “pero e velocidad cu cual nos ta pasa dor di e canal ey no mester ta mescos pa tur”.

Encuanto e menasanan di separacion di e parti nort di e ciudad di Mitrovica, region di mayoria serbia, Solana a sigura cu pa awo nan no ta “preocupa” pa e escenario ey. Relaciona cu e informacionnan cu a señala e traslado di personal di UE staciona eynan pa e mision civil, e’la afirma cu “ningun hende a bai di e parti nort di Mitrovica” y cu “esunnan cu tabata t’ey, cu tabata poco, un par di dozijn, ainda t’ey”.

“Nos mision, manera a worde acorda pa e estadonan miembro, lo cubri henter e teritorio di Kosovo”, Solana a insiti.

Por lo pronto, e responsabilidad di e tareanan policial y administrativo ta sigui den



Javier Solana



Jaap de Hoop Scheffer

man di e misión UNMIK di Nacionnan Uni, cu lo releva esun di UE den e proximo lunanan.

De Hoop Scheffer tambe a recorda cu KFOR (e forza di paz dirigi pa NATO) “ta cubri henter Kosovo”, y cu su 16.500 soldatnan “lo permanece eynan cu e mision di proteha e kosovarnan unda cu nan porta, of si nan ta pertenece na minoria of mayoria”.

E’la elogia e relacion cu e ehercito serbio y a sigura cu “tin hopi comunicacion directo entre KFOR, Pristina y forzanan serbio”.

Solana y De Hoop a insisti den nan deseo di cooperacion estrecho den nan tareanan di pacificacion y construccion di un estado nobo kosovar.

E independencia di Kosovo a desata aspiracionnan nobo di separacion den e entidad serbio di Bosnia y e creciente inquietud a cuminsa plama tambe pa Montenegro.

Chávez nombra president di ‘Partido Socialista Unido de Venezuela’



PRESIDENT Hugo Chávez a anuncia cu e ta acepta su designacion como president di ‘Partido Socialista Unido de Venezuela’ (PSUV), dicidi pa unanimidad den e di cinco asamblea di e congreso di fundacion di e formacion

político aki.

“No ta kedami nada cu acepta. Mi ta acepté y mi ta asumi e reto, pero mi ta pidi boso ayudo. Unidad, unidad, unidad. Hopi discusion interno, creatividad, responsabilidad”, Chavez a bisa den su programa “Aló Presidente”.

E Gobernante a stimula e militantenan pa “traha” y e’la bisa cu “un berdadero militante revolucionario no por ta corrupto (...) mi no tin nada, y mi no kier nada pami mes, absolutamente nada”.

Chávez a pidi pa e miembronan di PSUV asumi “nan militancia cu responsabilidad” y cu lo construi “e partido mas grandi, pa su eficiencia y conciencia revolucionario, den historia di Venezuela”.

E President a indica cu otro siman congreso lo defini e estatutonnan di e partido y na principio di mart lo elegi e prome integrantenan di e directiva nacional di PSUV, di cual su creacion a impulsa Chávez pa reagrupa e partidonan afilia na gobierno.

E designacion di Chávez como president di e partido a tuma luga den un asamblea plenario cu porta cera den cual a participa mas cu 1.800 delegado, na e ciudad di Puerto La Cruz.

Na januari utlimo, Chavez a inaugura e congreso di fundacion di PSUV, e prome paso pa registro electoral di e formación den cual ta integra como binti organizacion social y partidonan “chavista” ya desapareci.

Un minoría di partido afilia na Gobierno a nenga di join e unión, entre un intercambio di crítica y acusacionnan pa parti di e filanan di gobierno.

Segun e partido, casi seis miyon venezolano a inscribi aña pasa como “aspirante pa militante” di PSUV, un cifra cu opositornan di Chavez a pone na duda, indicando cu e proposicion di Chavez pa cambia e Constitución no a haya e cantidad di voto ey den e referendum na december.

Jennifer López a duna luz na morocho



JENNIFER López a duna luz na morocho ayera marduga, loque ta haci e cantante y actriz, y su esposo, e salsero Marc Anthony, mayornan di un mucha homber y un mucha muher, despues di un di e embarazonan cu tabata mas den noticia den historia

di musica popular, segun e revista People.

E representante di López, Simon Fields, a bisa cu e babynan a nace 12:45 di ayera marduga na Long Island, segun informacion riba website di e revista, cu no a duna mas

detaye di e luga.

E agentenan di publicidad y representantenan artistico di López no a contesta yamadan di telefon cu The Associated Press a haci nan ayera marduga.

Despues di hopi luna di speculation, López a confirma su

embarazo durante un concierto realiza na Miami na november. Su tata, David Lopez, e luna aki a bisa e programa “Escandalo TV”, di e cadena Telefutura, cu e cantante di 39 año ta spera morocho.

López y Antony, di 38 año, a casa na 2004. Jennifer su

exitonan ta inclui “If You Had My Love” y “Jenny from the Block”, y esunnan di Marc, e tema “I Need to Know”. Tur dos a graba na ingles, como tambe na spaño. E morochonan ta e prome yiunan di Jennifer Lopez y e di cuater y cinco di Marc Anthony

Un persona a muri den explosion na Fedecámaras na Caracas

UN persona cu carnet di ‘Policía Metropolitana’ (PM) a muri despues di explosion di un artefacto na sede di ‘Federación de Cámaras Empresariales’ (Fedecámaras), segun confirmacion di hefe di polis di Chacao, Carlos Arriaza.

E hefe di polis di Chacao tambe a señala na prensa cu e fayecido tabata tin un cedula di identidad na nomber di Héctor Serrano, di 44 año. “E curpa tabata falta e man drechi y tabata tin heridan den pecho”, Arriaza a splica. E funcionario a señala cu curpa di e víctima, presunto autor di e atentado, a worde confisca pa polis hudicial mientras “un pasquín y un radio transmisor”

cu a worde haya den e luga a worde entrega na polis di seguridad di Estado (Disip). Ministerio Publico di e nacion ya a nombra e funcionarian cu lo investiga e incidente.

José González, president di Fedecámaras, a pidi clarificacion di e caso y a bisa cu nan lo sigui traha y lo no sucumbi pa agresion. E explosion a tuma luga marduga y polis a cera rond



atentado



José González

di e edificio cu cordon. Esaki ta di cuater incidente cu explosivo registra na Caracas durante februari, ya cu otro artefactonan a explota na entrada di un edificio administrativo di Asamblea Nacional, den veranda

di Nunciatura y na e pedestal di un statua di e lider independentista mericano George Washington. Autoridadnan a sigura cu nan lo resolve e casonan aki, pero te ainda no tin detaye di nan investigacion.

Deporte

Caminata pa hende muhernan organisa pa Comité Olimpico y Comisión Muher y Deporte

COMITE Olimpico Arubano y su Comisión Muher y Deporte ta anuncia cu diadomingo, 5 di april 2008 lo organisa un caminata, exclusivamente pa hende muhernan so!

Hende muhernan di tur edad, di tur

nivel y condicion fisico ta wordo invita pa participa. Lo tin T-shirt masha bunita, diseñá specialmente pa e ocasion aki, pa tur participante. Además di esaki lo tin premionan hopi interesante pa diferente ganador. Lo tin posibilidad pa gana of core, y cada persona por completa e

distancia di 5 kilometer segun su nivel. Importante ta pa e participantenan pasa un rato agradable, den compania di otro hende muhernan.

Forma pa grupo, bini hunto cu bo amiganan, mamanan bin cu boso yiu muhernan y celebra conhuntamente e

ser femenino.

Detayenan tocante ruta y inscripcion lo wordo publica despues, pero esaki ta e prome notificacion di e evento aki, cu nos ta spera lo bira un encuentro fabuloso pa hende muhernan di nos pais.

Torneo Master Aruba Juniors den cual Lakers no a logra gana

DERWIN Kemp di Lakers ta score 25 punto y ta hunga un defensa solido, pero asina mes Lakers no tabata por cu e ofensiva di Devils, diasabra atardi na continuacion di e Torneo Master di Aruba Juniors. For di comienzo di wega Devils ta tuma mando cu nan wega rapido, aunke hungando cu un Lakers cu ta e team mas joven di e torneo. E prome quarter ta bai aden 23 – 17 na favor di Devils. Tabata den e di dos periodo cu Devils ta dicidi e wega mediante tironan di Erwin Ruiz y Shaka Mc Cray. Lakers no tabatin e efectividad manera otro weganan y nan top scorer Arjen Mathilda no tabatin un bon dia. Devils ta saca un ventaha cu ta bira imposibel pa alcanza. Na half e wega tabata 51 – 28 pa Devils. Den e segundo tempo Incoe Martinus y Kemp ta haci tur cu tin pa sera e gap, pero Devils cu nan point guard Emile Herde ta mantene e ventaha, asina mes cu nan nivel di wega a cai poco. E wega ta caba 87 – 64 na favor di Devils. Mihor anotadornan pa Devils tabata Shaka Mc Cray 23, Erwin Ruiz 17, Levi Talavera 14, Luis Tromp y Eduardo Jimenez 12 punto. Pa Lakers Derwin Kemp 25 y Incoe Martinus 11 punto.

E di dos wega di e atardi tabata entre Magic y Knicks. Mala suerte a bati na porta di Magic ya cu dos di nan estalarnan ta leciona den e mes un siman. Patrick Arens ta molestia un musculo y Dean Gumbs ta accidenta y ta bula mes un dia pa Colombia pa bishita su docter personal. Esaki a haci cu Magic tabata debilita pa enfrente e burdugonan di Knicks, kendenan no ta start e wega riba nan ritmo normal. Nan ta score 18 punto contra 13 di Magic den e prome quarter. Den e di dos quarter Bongo y Mario di Knicks ta confirma cu nan ta un mashin di traha punto y ta bombardea e net di Magic cu 27 punto den e quarter contra 8 di Magic pa haci e score na half 45 – 21. Esaki no a descurasha Magic cu ta bin fuerte den e di tres quarter. Arnaldo y Freddy ta combina pa algun punto y Ciro Schoop ta domina e board defensivo di Magic. Nan ta gana e di dos half 33 – 30, pero esaki no ta suficiente pa alcanza Knicks cu ta gana e partido 75 pa 54. Top scorers pa Knicks tabata Aldwayne “Bongo” Damian, 22, Mario Perez, 21 y Starlin Arismendy 12 punto. Pa Magic, Arnaldo Maduro 19, Luigi Bergen 14 y Freddy Rafini 13 punto. Arbitro pa e weganan tabata Sam Ramada y e oficialnan na mesa tabata Sandra, Edwin-Marc y Justin. Despues di e weganan tabatin un bon ambiente unda cu e hungadornan a comparti nan experiencia di hunga un campeonato despues di basta aña. Si bo kier mira bon basketball ta na Aruba Juniors bo mester ta. *Foto 1: Arnaldo Maduro ta shoot over di Mario Perez. Foto 2: Arjen Mathilda ta mira Erwin Ruiz Score un lay-up*.



KENDO Aruba rumbo pa torneo hubenil na Hulanda



DIA 1 di maart e prestigioso FURUYA CUP tin su di 16 edicion na Amstelveen, Hulanda. E torneo aki ta reuni ekiponan hubenil for di Hulanda, Alemania, Belgica, Francia y otro paisnan europeo. Esaki ta e torneo hubenil internacional mas grandi di Mundo y ta prepara atletanan te cu 18 pa competi na un nivel superior.

Den pasado, Aruba a gana basta premio den FURUYA CUP y e biaha aki un team di 5 hoben a train fuertemente pa saca cara di nos pais. Bou di coach y sensei Sergio Velásquez y manager Marjan v/d Elst un ekipo di mucha homber entre 13 y 18 aña lo defende e colornan di Aruba. Team Aruba ta consisti di Maggid Reátegui, Sebastian Ho-Kang-You, Sam Lamboo, Bob Mulder y Pim Willems. Den e ultimo lunanan nan a pasa dor di un regimen pisa pa sigura cu Aruba por duna su miho actuacion posibel.

Team Aruba lo participa den training na diferente dojo na Hulanda y participa den weganan di fogueo. Directiva di Kendo Aruba kier gradici di antemano tur mayor y miembro cu a yuda prepara nos competidornan.

Usa bo placa conscientemente cada dia
Abona y ricibi bo corant preferi te na
porta di bo cas tur mainta

AWEMainta

Abona yama 583-1400

Giants Baseball Organization a hiba su muchanan pa Corsow

E weekend pasa aki e organisacion di Baseball di Giants a hiba dos di nan equiponan pa Korsow na unda nan a hunga varios partido di fogueo na e isla ruman Corsow.

E equiponan den categoria 9/10 aña bao di nomber di Benjamin Security a sali cu Insel Air diabiernes atardi y a regresa diadomingo tardi tambe despues di e hasi un tremendo presentacion. E team

tawata consisti di Eric Mendes, Orvin Koolman, Giandrick Werleman, Artoir Herrera, Anton Marchena, Jason Kootes, Endry Brito, Obraïn Barret, Andy Kelly, Mark Werleman, Wai Kit Fong, Jordy Croes, Lionel Briesen, Anthony Rasmijn y Jerrick Francees.

E team aki a worde manega pa Jose Castilla hunto cu su asistente nan David Croes y Alvin Brito cu tawata e pitching

coach. Tambe e equipo di Little League di Lipton Tea a Sali pa Corsow, e equipo aki tambe a duna bon bataya den e categoria di 11/12 aña.

E team aki tawata bao di e mesun manego die sun di 9/10 aña. E team mes tawata tin Jean Marck Fingal, Ritchenyll Thiel, Win Ras, Ashwin Feliciano, Luigi Diaz, Ruwin Tromp, Mitchell Erasmus, Ross Ismail, Anton Bruin, Ricky Werle-

man, Lynell Jacobs y Dylan Thode. E muchanan aki a pasa un weekend cu basta weganan di baseball den preparacion pa e campeonato nobo di baseball cu lo ta cuminsando den e prome siman di maart.

Un danki special ta bai na e mayornan cu a coopera asina bon cu e biahe aki, specialmente pa Sra. Grace Geerman, Sra. Lillie Thode y Sra. Elly Erasmus.



AVB su campeonato a continua durante weekend cu a pasa

DIABIerna 22 di februari 2008 wega entre RCA vs Jong Aruba score final 3-1 pa RCA, Jong Aruba ta pida dilanti 1-0 den di 30 min pa gol di Alberto Lopez no: 9. RCA ta empata na di 43 min pa no: 10 Maurice Escalona. Promer mitar ta bai aden empata. Den di dos mitar ta RCA ta bai ariba na di 75 min por medio di no: 8 Raymond Pimienta, Gol di victoria ta bini den pai di Juan Santos Ponce no: 7 na di 87 min. Pa RCA ningun kaarchi i pa Jong Aruba uno pa no: 11 Gilbert Tromp na di 86 min. Cambionan pa RCA ta sali no: 6 Omar Tromp y ta drenta no: 17 Erik Santos na di 59 min, ta sali no: 12 Siegmar Valentijn y ta drenta no: 9 Carlos Melchior na di 71 min. Cambionan pa Jong Aruba ta sali Ronny Schenk na di 26 min y ta drenta no: 15 Gabas John, ta sali no: 8 Jhon Mesa y ta drenta no: 17 Ciro Tromp, ta sali no: 10 Jeamir Howell Brokken y ta drenta no: 18 Evan van Schenk na di 74 min. Refree principal pa e partido aki EBBY Paesch asisti pa Harlem Villar y Monique Ras, na mesa Rudy Angela. Promer wega Diasabra 23 di Fenruari 2008 entre Estudiantes vs Riverplate score final 2-1 pa Riverplate, Estudiantes ta pika dilanti ya na di 3 min cu un gol di sorpresa di no: 6 Sabino Martinez, ja ni apenas 2

min despues Riverplate ta empata kos cu gol di no: 5 Alberto Grovell y ta su ruman Albert Grovell no: 11 ta hasi e wega 2-1 y asina tambe ta termina. Pa River un kaarchi geel pa no: 14 Beatle Nadall na di 59 min. Pa Estudiantes dos kaarchi geel uno pa no: 16 Marcelo Grant na di 35 min y di dos pa no: 15 Clifford Gnecco na di 75 min. Refree principal Monique Ras asisti pa Nando Bernabela y Humphrey de Windt na mesa mester a presenta Harlem Villar. Wega entre La Fama vs Estudiantes score final 6-0, Golanan di La Fama pa no: 21 Mickel Martis na di 10 min, pa no: 10 Leslie Felomina na di 31 min, pa no: 23 Wessel Schaling na di 35 min, pa no: 9 Elielton Concalves 2x na di 59/69 min, y pa no: 26 Ramses Vrolijk na di 81 min. Pa La fama dos kaarchi geel pa no: 23 Wessel Schaling na di 73 min y pa no: 4 Rick Engelbrecht na di 83 min. Pa Estudiantes 3 kaarchi geel pa no: 19 Ryan Malmberg na di 36 min y pqa no: 2 Edgar Orman na di 36 min y pa no: 11 Edgar Tromp na di 73 min. Cambionan. Pa Estudiantes ninguna pa La Fama ta sali no: 29 Ryan Seintje y ta drenta no: 19 Maurice Maduro na di 63 min, ta sali no: 22 Vito Carlo y ta drenta no: 12 Tyrick de Kort na di 71 min, ta

sali no: 23 Wessel Schaling y ta drenta no: 26 Ramses Vrolijk na di 77 min. Refree principal pa e wega aki Aubrey Maduro asisti pa Eugene Farro y Nando bernabela na mesa Giselle Geerman. Di dos wega entre Britannia vs Dakota score final 2-0 pa Britannia golan di rumanan Lake. Gregory promer na di 25 min y Jonathan na di 37 min. pa Britannia ningun kaarchi i pa Dakota dos kaarchi uno pa no: 3 Ferdinandt Robert na di 76 min y e otro pa no: 4 Dario Sierra na di 79 min, Cambionan pa Britannia ta sali no: 18 Richard Rojas y ta drenta no: 23 Lionel Statie na di 72 min, ta sali no: 10 Urvin Faro y ta drenta no: 20 Junel Sanchez na di 89 min. Pa Dakota ta sali no: 17 Erzra Bosnie y ta drenta no: 16 Raully Wiersma na di 41 min, ta sali no: 6 Alexis Sierra y ta drenta no: 8 Theophile Jackson na di 45 min, Ta sali no: 19 Dwight Williams y ta drenta no: 7 Marvin House na di 70 min. Refree principal Monique Ras, asisti pa H de Windt y GiGi Solognier na mesa Giselle Geerman. Promer wega Diadomingo 5 pm, entre Dep. Nacional vs Ind. Caravel score final 2-0 pa Dep. Nacional. No tin wedstrijdformulier lo

pone su resultatdo majan den dia. Di dos wega entre Riverplate vs Estrella score final 2-1 pa Riverplate. Refree principal Erwein Helder asisti pa Eduardo Loefdtop i Fan Dijkhoff na mesa Aart Wittekoek. Riverplate ta pika dilanta na di 8.50 min pa no: 5 A. Grovell i asina e promer mitar ta bai aden. Den di dos mitar Riverplate ta bai ariba 2-0 por medio di un penalty cobra pa no: 9 Jelano Cruden na di 70 min, Estrella ta corta ventaja na di 74 min por medio di e hoben no: 15 Anuar Kock. Pa Riverplate 4 geel pa no: 12 Anuar Hamadi na di 14 min, pa no: 7 B. Quandt na di 58 min pano: 5 A. Grovell i pa no: 9 Jelano Cruden y un cora pa no: 18 J. Borje, Pa estrella 2 geel pa no: 7 Jonathan Oduber na di 6 min, pa no: 17 garvey Werleman na di 43 min y un cora pa Ikel Lopez. Cambionan pa Riverpalte ta sali no: 12 Hamadi y ta Drenta B. Quandt, ta sali no: 6 D. Tromp y ta drenta no: 25 J. Boekhouwer, ta sali no: 7 B. Quandt y ta drenta no: 18 J. Borje. Pa estrella cambionan. ta sali no: 2 Jeanandre Tromp y ta drenta no: 15 Anuar Kock, ta sali no: 5 Guitierrez Lopez y ta drenta no: 6 Angelexinio Croes, ta sali no: 14 Jerwin Giel y ta drenta no: 12 Luis Rasmijn.

Deporte ta perhudica pa e especialistanan den manipula mente

ARUBA su desaroyo na nivel di deporte ta totalmente stanka. Nos tin dirigentenan cu a converti nan mes den especialista di con manipula ultimo 20 aña. Nos mester a percura pa nan traha plan di progreso y busca hende cu conocimiento pa juda logra e plan. Proceso di evaluacion tambe mester tabata presente. Na final di cada aña e dirigente mester presente tur e motibonan cu el no a logra sierto cosnan den su plan di corto duracion y larga duracion. Pero na Aruba tur dirigente ta busca pa logra un cos chiquito y esey ta suficiente pa semper nan keda menciona esaki como un gran cos. E logronan ta asina lew for di otro cu subimento di un nivel pa un otro nivel no ta existi mes na Aruba. Un plan integral di 10 aña cu a ser acompaña pa control y progreso nunca a existi den ningun deporte Arubano. Loke si ta existi ta e capacidad cu varios dirigente a desaroya. Nan sa con hunga cu mente di otro, con tene otro cun un con Amistad cu otro. Ora tin error, mantene error sconde pa otro of si un parti di e progreso faya no papia mas tocante e cos ey. Esaki ta un

manipulacion cu puramente ta pa keda sinta den e stul di poder di deporte. Hopi biaha ta hendenan cu, asina nan sali for di e stul di poder ey, nan ta desaparece den e panorama Aruba. Hopi ta esnan cu a sali ultimo 15 aña y ningun hende ta corda ni cu nan tabata miembro di un directiva di un club of un federacion akin a Aruba. Esnan cu tin 30 of te 40 aña sinta den un club of un federacion ta hendenan super especialisa den manipula mente di hende, cu palabra of cu sierto menasa spycologico. Ami lo bisa cu nan ta nos teroristanan den deporte. Tuma un ejemplu di un hende cu ta gañador, e ta cuminsa cu algun cos chiquito unaves esaki resultado e ta pasa bira un especialista den mentira. E ta desaroya su mes den un hende cu por troce e verdad te cu e mes ta kere den loke a ta haciendo, na un mes momento bisando bo tal. Alaves e ta construy formulacionan unda un hende cu tende e splicacion sin sa e verdad fasilmente ta kere loke e ta tende. Cuanto tempo mas e hendenan cu ta conoci caba como hende manipulator ta keda haci mas danjo na

nos deporte. Algun deportenan ta lanta cabez por medio di antusiasmo, pero asina e realidad cuminsa exige, confrontacion entre hende cu bon intencion y e dirigentenan manipulator ta cuminsa. Aki tan a unda sea bo ta dobla of bo ta aleha di biaha. Nos hubentud ta haci deporte te cu 18 aña di edad y na e edad ey nan curpa y nan mente ta hanja otro formacion. Si no por drecha deporte no por hanja lidernan drechi pa futuro. Un mucha for di 6 aña pa su 12 aña ta hanja su promer fundeshi y e periodo aki ta sumamente delicado pa ora e mucha cuminsa su etapa di 13-18 aña. Mayoria di mucha cu sera conoci e falta di karakter, falta di mentalidad y falta sinceridad serca coach, entrenador of dirigente, pesey nan ta cuminsa kita pija for di deporte. Debi na e debilidad cu ta existi entre 13-18 aña nos muchanan ta bira casi 50

pa deporte akin a Aruba y como consecuencia cu deporte Aruba ta muri complemente entre 18-25 aña di edad. Awor ban wak di e muchanan, e entrenadornan of si no ta e dirigentenan cu den un forma criminal ta cuasando un daño enorme na hubentud di nos Pais. Mi a compila 20 aña pa asina tur hende comprende cu desde cu nos a sali di Antiyas ta desastre loke a keda tuma lugar den nos deportenan. E espacialista cu Aruba tin den manipula mente di hende no ta hanja ningun stul pa sinta den exterior y mas dirigentenan di nos regio sigui bin Aruba mas nos so sigui tende mensahe "boso cambio di direccion". Ohala un dia nos por cambia e rumbo malu aki. Si a elimina e manipuladornan awe nos lo ta ariba e caminda correcto.



Resultado Rob Vermeer's Open Sprint Classic

DIADOMINGO 24 di februari a tuma lugar despues di hopi aña un careda di ciclismo den cayanan principal di Oranjestad (Caya Betico Croes, Columbusstraat, Wilhelminastraat). E evento aki tabata iniciativa di Fernando Vermeer, como gesto na su tata e veterano ciclista Rob Vermeer, cu apoyo di Club Ciclismo Barcadera.

Muy probablemente esaki tambe lo ta e ultimo biaha cu e tipo di careda aki lo por tuma lugar den Caya Grandi, pasobra si tur cos bay bon otro aña Caya Betico Croes lo ser converti den un shopping mall, sin acceso pa trafico.

Cu esaki pues pa ultimo vez a reviva e eventonan cu tabata tuma lugar te den añana 80, pero cu despues a desaparece pa hopi aña.

Un bunito evento sin embargo cu merece un continuacion na otro sitio, esey ta deseo tambe di e organizadornan.

Pa loque ta e caredanan mes, cu tur tabata cortico y di masha velocidad, den categoria Elite, Junioren y Pre-junioren hunto, Maximilian Irving (Aerodynamic Cycling Team) no a decepciona e expectativanan y desde prome momento a bay dilanti su so hibando un velocidad tremendo y a termina e tres vueltan di 1.8 km cada un den un tempo di solamente 06:00 minuut.

Franklin Gomes (San Fuego) a termina na segundo lugar y Gino Hodge (ACT) a conquista e tercer puesto.

Den e categoria combina di Submasters, Masters y Damas, Lucien Dirksz (ACT) a logra mantene un bentaha desde tempran, pero bon trabao di equipo di Albert Raven, Fabio Sanchez y Frank Curiel di Barcadera a logra trese nan back cerca Lucien pero esaki a logra mantene un bentaha minimo dilanti respectivamente Fabio Sanchez y Albert Raven.

Den categoria Kids te cu 14 aña, Emre Esitmez (San Fuego) a logra sali victorioso, dilanti team mate Andrew Larmonie, y Javier Hoek (ACT).

Den e muchanan 6 – 10 aña, Egbert Henriquez (ACT) a bay cu e honor maximo, mientras cu Akeem Kock y Joao da Silva (ambos Barcadera) a keda na di dos y tres lugar respectivamente.

Despues di e caredanan a tuma lugar un “bike-hopping event” unda cu organizador Fernando Vermeer a demonstra cu apesar di poco practica ainda e ta domina e materia aki manera ningun otro.

E hoben Vito Andrews a demonstra hopi talento tambe, mientras cu veterano Lucien Dirksz a keda na di tres lugar.

E organizadornan di e evento pa medio di esaki ta desea di gradici Deco's Heavy Equipment, Red Bull, TriBike, Aruba Wieler Bond pa su cooperacion, tur voluntario cu a haci un tremendo trabao, y last but not least Cuerpo Policial, EMS y MC di e evento, Roberto Geerman, pa e colaboracion.

Osh Lopez ta na prome lugar den torneo di Ahedres

DIAHUEBS cu a pasa, a tuma lugar e di seis rond di e campeonato di club di ajedrez pa anja 2008. Osh Lopez a enfrenta su ruman Juste. Juste a haja un bon ataque, pero e no tawata sabi kon pa converti esaki den un wega gana. Resultado tabla. Alvin Howell mester a enfrenta John da Silva. John tawata ocupa hunto cu Juste e segundo lugar. Den un final unda e peonnan di John ta mihor posishona, John a forza Alvin pa entrega su wega.

Jose Pesqueira tambe tawata tin un wega full domina contra Alexander Guevara. Pero Jose no por a haja e hugada decisivo pa gana e wega. Resultado tabla.

Ferry Gerard tambe tawata tin un wega gana contra e hoben Andre Arends. Den preta di tempo, Ferry a “overlook” un hugada cu por a trece e punto direct aden. Pero e no a wak esaki y e wega a termina den un tabla.

Octavio a bay di acuerdo cu e proposhon di tabla di Willem, despues cu practicamente tur e piezanana wordo kambia. Paul Bouts a perde di Ahmid Juddan, y Chucho Croes tambe a perde di e hoben Edwald Matheu. Despues di 6 rond, Osh keto bay ta na kabez cu 5½ punto for di 6 partido. Na dos lugar nos ta haja John da Silva cu un total di 4 ½ punto. Na tercer lugar ta sigui Juste Lopez cu 4 punto.

Diahuebs awor dia 28 di Februari e final di campeonato di club lo wordo hunga. Osh Lopez contra Jose Pesqueira, John da Silva contra Juste Lopez, Alexander Guevara contra Alvin Howell, Ahmid Juddan contra Ferry Gerard, Edwald Matheu contra Octavio Croes, Willem Jacobusse contra Chucho Croes y Andre Arends contra Paul Bouts. E weganan ta wordo hunga den nos edificio di club na Nieuwstraat 11 pa 8:15 di anochi.

Futbol Femenino su relato di fin di siman

DIABIerna 22 di februari segundo buelta a cuminsa den categoria Juvenil di Campeoanto di Futbol Femenino. E resultadonan tawata lo siguiente: SV The Rose vs SV Santa Fe1 1-1, SV Savaneta Stars vs SV Britannia 0-0, SV Bubali vs SV Brazil Jrs1 0-1 y SV Santa Fe2 2 vs SV Brazil Jrs2 4-1. Den dos wega preta un wega preta tanto SV The Rose contra SV Santa Fe1 y SV Savaneta Stars contra di SV Britannia ta resulta den un empate. Pa SV The Rose ta score Richella Tromp pa pone Sv The Rose ariba 1-0, pero prome cu e partido ta finalisa Jody Hoenink ta logra empata e partido pa asina SV Santa Fe1 bai cas cu 1 punto. Den e partido entre SV Savaneta Stars y SV Britannia tawata tin oportunidad di gol, pero e porteronan a luci ariba e anochi aki y no a permiti ningun gol.

Den e di tres partido SV Brazil Jrs ta logra bai cas cu un victoria di 1-0 pa medio di un gol di Jerryleen Peña. SV Brazil Jrs1 a pone hopi preshon riba e defensa di SV Bubali y no tawata permiti

pa SV Bubali arma nan wega. Hugadornan di SV Bubali a purba di tur forma pa empata e wega, pero e medio campo y defensa di SV Brazil jrs1 tawata bon prepara pa e wega aki.

E ultimo partido tawata entre SV Santa Fe2 y SV Brazil Jrs2. E partido aki ta resulta 4-1 na favor di SV Santa Fe2 cu golnan di Chami Luitjes (2), Rowena Elshot y Gleen Schwengle. Shanice Romney ta score e unico gol pa SV Brazil Jrs cu ta e prome gol di campeonato pa SV Brazil Jrs2.

E standing den categoria Juvenil despues di prome round ta lo siguiente: E topscorers den e categoria Juvenil ta: Rebecca Jaccopuchi (SAV/ 16), Yelitz Ras (BRIT/ 15), Sharla Noguera (SAV/ 8). Den categoria adulto tawata tin e siguiente weganan y resultadonan: SV Savaneta Stars vs. SV RCA 0-0 y SV Britannia vs. SV The Rose 0-1.

Den e prome partido SV RCA tawata tin mas posesion di bala pero e portero di SV Savaneta Stars tawata den bon forma

y a logra para basta atake cu tawata tin intenson di gol. SV RCA ta logra bai ariba 1-0 cu gol di Sua-Ann Tromp, pero SV Savaneta Stars ta empata e wega cu gol di Mirlanda Maduro.

E siguiente wega tawata entre SV Britannia y SV The Rose unda. Den un partido bastante parew SV The Rose ta logra bai cas cu e victoria cu un gol di Gina Tromp. E standing den categoria Adulto despues di prome round ta lo siguiente: SV RCA y SV Savaneta Stars ta mantene e prome dos puestonan, pero SV The Rose ta yega mas cerca.

E topscorers den e categoria Adulto ta: Eleonore Derksen (RCA/ 5), Patricia vergara (BRIT/ 3) y Isenia Casuela (THE ROSE/ 3). Diadomingo 24 di februari tawata tin encuentro den categoria Infantil: Sv Britannia1 a enfrenta Sv The Rose1 y SV The Rose 2 a enfrenta SV Britannia2. Aki SV The Rose1 ta sorpresa SV Britannia1 logrando un empate na 2-2. Den e segundo partido SV The Rose ta bai ariba 1-0, pero SV Britan-

nia2 ta reacciona y ta gana e partido cu score di 7-2. Por mira cu e nivel di tur e muchanan ta subiendo, cual ta un bon senjal pa e desaroyo y futuro di nos futbol femenino. Spera cu pa 2008-2009 mas equipo di diferente distrito por join e campeonato di futbol femenino infantil. E standing den categoria Adulto despues di prome round ta lo siguiente: E topscorers den e categoria Infantil ta: Margenine Kock (BRIT2/ 18), Shayna Werleman (BRIT1/ 17), Alexandra Lopez (BRIT2/ 16). Refereenan pa e weekend cu a pasa tawata: Werleman, Zambrano, de Windt, Dijkhoff y Engelbrecht. Campeonato di Futbol Femenino 2007-2008 Juvenil y Adulto lo continua Diabierna 7 di Mei pa 6:40 PM na Centro Deportivo Frans Figaroa cu weganan di categoria Adulto y Juvenil y diadomingo 9 di Mei cu weganan di categoria Infantil na Parke Jaburibari. Fanaticonan y publico en general ta cordialmente invita pa bin apoya futbol femenino di Aruba.

Sin miedo

Derek Jeter ta duna di su banda pa hasi test di sanger

MIENTRAS cu e hefe di Union di Baseball, Don Fehr, ta opone na test di sanger pa detecta substancia prohibi entre e pelotonan di Grandes Ligas, e capitán di Yankees, Derek Jeter, a indica cu ta di acuerdo pa esaki tuma lugar.

“E tipo di testnan aki lo ta parti di e proceso pa limpia e deporte”, Jeter a bisa den un programa di radio. “Un mester somete na test cada biaha cu ta necesario”, Jeter a agrega, ken a bisa cu e tipo di analisis di sanger por hiba a cabo incluso den e training di primavera.

Jeter, ocho biaha eligi pa All Star Games, ta considera cu test di sanger pa detecta substancia prohibi den deporte no ta un invasion di privacidad. Varios pelotero, incluyendo su compañero di team Andy Pettitte, y su ex compañero Roger Clemens, tabata nombra den e Report Mitchell pa presuntamente a uza HGH, un substancia prohibi pa Grandes Ligas.

Pettitte a admiti hasi esaki, mientras cu Clemens ta nega di a uza substancia prohibi pa mehora su rendimiento den e veld di wega.



Atletanan informa con pa defende nan mes contra Acoso Sexual



NA luna di November, na momento cu e Comision Muher y Deporte di Comite Olimpico Arubano a organisa su seminario tocante Acoso Sexual y Abuso den Deporte, tabata tin varios atleta cu a participa. Aunque cu e seminario sigur a duna e atletanan hopi informacion tocante acoso sexual den deporte, a keda deseo pa sigui elabora e tema mas cu atletanan durante sesionnan di “follow-up”. Durante un sesion separa cu atletanan cu a tuma lugar recientemente, finalmente a cumpli cu e deseo aki y a ofrece nan mas informacion y mucho mas practico tocante e tema acoso sexual. Ehercicionan practico y siñando nan con pa defende nan mes contra actonan cu ta indesea y cu ta hasi daño na nan integridad, e hobennan a informa nan mes y a siña conoce nan “limitenan” di comodidad mihor.

Expertonan Ellis Tolsma y Bert Wielenga a dirigi e sesion y a yuda e hobennan expresa nan mes, explora kiko ta acceptable y kiko no, y en general siña nan tocante e tres “R”nan den e lucha contra acoso sexual den deporte: Reconoce, Resisti y Raporta.

Intencion ta pa Comision Muher y Deporte organisa sesionnan pa atletanan mas biaha, tanto pa federacionnan, clubnan deportivo of organisacionnan di hobennan. Riba e portret por mira e grupo di atletanan, hunto cu Ellis Tolsma y Bert Wielenga.



Brenchie's ta manda un pabien grandi na su team di basketball

BRENCHIE'S ta duna un pabien grandi na su team di basketball cu casi a bolbe sali campeon di A-klas y cu despues di un bataya fuerte a sali sub-campeon. Ta un placer y un orguyo pa ta e sponsor di RCA Brenchie's Kliphunters Basketball Team.

Logra bo admision pa CIOS via IDEFRE

IDEFRE ta anuncia cu diasabra 1 di maart proximo lo tuma lugar un test di preparatorio pa admision pa CIOS. CIOS ta un estudio na Hulanda cu ta prepara e estudiante riba un nivel MBO e mesun nivel di EPI pa bira un instructor di deporte. Den e estudio aki e estudiante por specialisa su mes riba tereno di cuida (KIA), comercio (maneha un sportshop of fitness center, masahista deportivo) of deporte (entrenador di deporte).

Pa wordo admitti na un CIOS e candidato mester pasa un test di admision via IDEFRE. Tur esnan cu ta interesa pa pasa e test aki por haya un oportunidad pa practica pa esaki diasabra 1 di maart 2008. Esaki ta specialmente pa e candidato mira kico realmente e mester haci durante e test di admision y pa por prepara su mes mas miho pa esaki.

E test preparatorio aki ta cuminsa pa exactamente 8'or di mainta den Community Pool na San Nicolaas pa despues continua den gymzaal di Colegio Santa Teresita tambe na San Nicolaas.

Den landamento lo evalua schoolsdag, rugcrawl, borstcrawl y enkelvoudige rugslag, tambe landa bou di awa. Den deporte lo evalua volleyball y basketball y den turnen koproel, handstand, radslag, bula bok y ringzwaaien. Entre 12'or y 12.30 di merdia lo evalua resultado di e test hunto cu e candidatonan.

Tur esnan cu ta interesa pa participa na e test preparatorio aki mester duna number na IDEFRE via telefon 5824987. Mirando cu e test ta dura henter mainta e alumnonan ta wordo recorda pa bini cu algo lihe di come y bebida deportivo.

IDEFRE kier avisa tur esnan interesa cu gobierno di Aruba no ta duna fianza pa un estudio nivel MBO den exterior. CIOS ta nivel MBO cu ta un nivel igual cu EPI aki na Aruba. E candidato por pidi financiamiento pa e estudio di CIOS via IB-groep na Hulanda.

Pa mas informacion tuma contacto cu Jacqueline Ponson-van Putten na IDEFRE, telefon 582-4987.



THE CINEMAS

THE CINEMAS AT RENAISSANCE

- FOOL'S GOLD (PG-13)**
daily: 4:45 7:05 9:30
- HOW SHE MOVIE (PG-13)**
daily: 4:05 6:05 8:05 10:10
- ONE MISSED CALL (PG-13)**
daily: 4:15 6:15
- THE BUCKET LIST (PG-13)**
daily: 8:10 10:15
- FIRST SUNDAY (PG-13)**
daily: 4:10 6:10 8:15 10:25
- JUMPER (PG-13)**
daily: 4:00 6:00 8:00 10:05
- NO COUNTRY FOR OLD MEN (R)**
daily: 4:55 7:20 9:50

THE CINEMAS AT PASEO

- UNTRACEABLE (PG-13)**
daily: 4:10 6:25
- RAMBO (R)**
daily: 8:35 10:30
- MEET THE SPARTANS (PG-13)**
daily: 4:40 6:40 8:30 10:20
- FIRST SUNDAY (PG-13)**
daily: 4:00 6:20 8:25 10:25
- JUMPER (PG-13)**
daily: 4:20 6:15 8:15 10:15
- FOOL'S GOLD (PG-13)**
daily: 5:00 7:20 9:40
- THERE WILL BE BLOOD (R)**
daily: 4:05 7:10 10:15

DRIVE IN THEATRE

DRIVE-IN WILL BE OPEN FROM THURSDAY TO SUNDAY ONLY!

Farandula

No Country for Old Men mihor pelicula di aña



Tilda Swinton



Daniel Day-Lewis



Javier Bardem



Marion Cotillard



DIADOMINGO anochi tabata e anochi mas importante pa actornan, caminda e premionan Oscar a wordo entrega. Hopi tabata e especulacionnan, pero finalmente e anochi ey e ganadornan a keda conoci.

E pelicula Golden Compass a logra e Oscar pa e mihor efectonan visual, mientras cu Ratatouille a bai cu e Oscar pa e mihor pelicula anima.

E mihor cortometrahe (live action) tabata Le Mozart des Pickpockets y esun anima tabata Peter and the Wolf caminda cu e ganadora a luci e trahe diseña pa Percy Yrausquin.

E pelicula Elizabeth: The Golden Age a bai cu e premio Oscar pa e mihor diseña di trahenan. Mihor maquiyaha a bai pa e pelicula La Vie en Rose.

Oscar pa e mihor documental cortico a bai pa Freeheld y mihor documental tabata Taxi on the Dark Side.

Oscar pa mihor direccion di arte a bai pa Sweeney Todd The Demon Barber of Fleet Street. Mihor musica a bai pa Atonement y mihor mixing di sonido pa The Bourne Ultimatum.

Mihor pelicula extranhero tabata The Counterfeiters.

Oscar pa edicion di pelicula a bai tambe pa Thee Bourne Ultimatum. There Will Be Blood

a bai cu e Oscar pa mihor cinematografia. No Country for Old Men a bai cu e Oscar pa writing (adapted screenplay) y Juno pa writing (original screenplay).

Javier Bardem a gana e Oscar pa e actor di reparto cu su actuacion den e pelicula No Country for Old Men y Tilda Swinton di e pelicula Michael Clayton a bai cu e Oscar pa mihor actiz di reparto.

Daniel Day-Lewis a ricibi e Oscar como mihor actor principal pa su actuacion den e pelicula There Will Be Blood, mientras cu Marion Cotillard a ricibi e Oscar como mihor actriz principal pa su actuacion den La Vie en Rose.

Mihor direccion y mihor pelicula a bai pa No Country for Old Men.

E biaha aki contrario na ultimo añanan ningun pelicula a logra sobresali significativamente riba e otronan. No Country for Old Men a logra si di bai cu e mayor premiacionnan y a keda como pelicula di aña.

AWEMainta
 e corant di video
 Nos e-mail:
noticia@awemainta.com
Tel: 583-1400
Fax: 583-1444

Eddy Murphy y Lindsay Lohan e peor actornan di 2007

E actornan Lindsay Lohan y Eddie Murphy a logra e premiacion di peor actornan di 2007 den e premionan Razzie, e gran parodia di Oscar caminda ta premia lo peor di industria cinematografico. Murphy a conquista tres di e cuatro categorianan pa cual el a wordo nomina. Un di nan pae peor actuacion pa su comedia 'Norbit', cual a wordo destroza pa e criticonan. Di su banda, Lohan a gana tres premio Razzies: como peor actriz


y peor pareha pa e thriller 'I Know Who Killed Me', pelicula dirigi pa Chris Sivertsonen den cual el a interpreta un par di morochu. E pelicula aki a ricibi un record di 8 premio, entre nan esun di peor pelicula di aña. Den edicionnan anterior 'Showgirls' y 'Battlefield Earth' a acapara siete premio respectivamente.

Den e pelicula 'Iknw Who killed Me', Lohan ta interpreta un hoben cu ta wordo secuestra pa un

psicopata y tambe un artista di striptease. E pelicula tabata un di e mayor fracasonan di taquiya di aña, recaudando 9 miyon dollar na henter mundo.

Di su banda, Murphy a asumi e rolnan di tres personahe den e comedia 'Norbit' cual ta trata di e storia di un hoben cu ta haya amor den su bida ora e ta casa cu un muher cu no ta trate hopi bon. E actor ta interpreta e protagonista di e pelicula, su casa y un personahe di origen

chines. A pesar di e criticanan, e pelicula tabata un exito di taquiya, recaudando 158 miyon dollar rond mundo. Premionan Razzie ta wordo entrega desde 1980.



Xpresa bo mes

noticia@awemainta.com

Tur comunicado o remetido cu ser manda pa AWEMainta mester inclui number, fam y number di telefon di e remitente. AWEMainta ta keda cu e derecho reduci of edita esakinan pa publicacion.

Practica di patronahe y faboretismo di tanto AVP como MEP A resulta funesto pa Aruba y a trece un kiebra den nos sociedad

NAN a haci e pover mas pover y ta condena e grupo pa keda asina tambe, sin speranza pa progreso.

Despues di 22 aña di nos Status Aparte na unda tanto AVP como MEP a goberna e pais aki hiba-ndo un competencia fuerte pa keda of yega na poder. Un competencia na unda practica di patronahe politico y faboritismo a tuma lugar na un manera hopi cla. Consecuencia di esaki ta cu awe e hoben tin e tendencia di escohe pa un padrino politico pa haci un carera den bida enbes di escohe pa sigui un estudio cu por hasi'e un profisional den nos comunidad.

Consecuencia di patronahe y faboritismo ta demotiva henter

comunidad y muy en especial e hoben estudiante. E interes pa studia a bira mucho menos compara cu anteriormente. Nos por constata esaki na e resultado- donan di examen di tanto MAVO como HAVO di ultimo añanan. Constantemente departamen- tonan concerni eroneamente ta cambia e estructura di estudio pa purba di drecha e resultado di examen.

Mayornan ta precupa y tin hopi pregunta sin por haya contesta. Nan ta sinti nan mes obliga di manda nan yiunan atende bijles despues di oranan di scol pa asina nan yiu tin un miho oportunidad pa haci examen cu exito. Un negoshi cu a para bira grandi aki na Aruba ulti-

mamente. Un gasto adicional pa mayornan di alrededor Afl 400 / luna pa mucha cu ta atende scol a bira un necesidad

Es mas, e aña escolar nobo aki ya caba un scol priva a anuncia cu lo tin oportunidad pa sigui estudio secundario y ta garanti- sa e nivel di MULO cu nos tabata conoce antes. Pa atende e scol aki un mayor tin cu paga pa un yiu 15.000 florin pa aña.

E desaroyo aki lo completa e kiebro den nos sociedad. E distancia entre rico y pover lo bira mas grandi. Lo bai distin- gui e yiu di obrero for di e yiu di capitalista. E futuro promi- nentenan den nos comunidad no ta depende di e capacidad intelectual di e estudiante pero

principalmente di e capacidad financiero di e mayornan. Un situacion cu nos conoce den la- tino America, caminda oportu- nidad di sigui estudio avansa pa un yiu di obrero ta minimal.

Relato di Fondo Monetario In- ternacional ta muestra cu Aruba economicamente ta progresa, pero ki bal rikesa si ta malgasta esaki. Tanto AVP como MEP a hiba un maneho irresponsabel di finansa publico y apesar di nos rikesa nan a hinca nos den un debe astronómico di cual nos ta paga na interes mas di 100 miyon pa aña loke ta igual cu 275.000 florin pa dia. AVP Y MEP a mara Aruba na un debe inpagabel y ta obliga e pueblo den su mayoria pa biba cu lo

minino mientras cu e dirigen- tenan di e dos partidonan aki a percura pa medio di nan poder politico pa nan y un grupito rond di nan tin na abundancia. Pa colmo MEP ta boga pa un independencia na 2011 sin or- ganisa un referendum. MEP kier obliga e generacion actual pa guli loke e generacion anterior a escohe na momentonan crucial y emocional. Aruba pa medio di su Status Aparte a ser libra for di e poder di Corsow, awor ta momento pa e generacion nobo uni nan mes na e fila di e lucha contra corrupcion guber- namental y libra pueblo di e mentalidad putri di politiconan tradicional.

Mario Lopez

Mike de Meza, Parlamentario AVP

Solamente si Aruba tin un vision alternativo bon argumenta, studia y documenta nos lo por enfrenta e crisis mundial di energia



Meza, miembro di Parlamento pa fraccion di AVP ta expresa cu tono preocupante.

Tin mas y mas evidente cu azeta lo yega su peak balance dentro di e siguiente 5 pa 15 aña y despues e posible produccion lo cuminsa baha significante- mente ya cu mundo lo a usa mitar di total azeta di prijs baho cu mundo tin.

Despues di e peak aki mundo lo conoce e epoca di prijsnan halti- simo y for di tur proporcionnan a resultado di: 1. relacion in- verso entre demanda di azeta y produccion/disponibilidad di azeta y 2. e energia cu un mester pa extrae un bari mas for di suelo lo supera e energia cu ta conteni den e mesun bari ey di azeta. Na momento cu esaki tuma lugar e lo trece impacton- nan devastador riba economia mundial; esaki lo trece recesion mundial, tensionnan interna- cional lo aumenta cu gueranan potencial, deglobalisacion di

economianan y imbalance gran- di den awa y coriente.

Lastima cu pronosticonan cu cientificamente ta wordo treci dilanti ainda no ta haya e au- diencia necesario, de Meza ta comenta y ta agrega cu e mesun tipo di pronosticonan aki cu ci- entificamente a wordo anuncia den pasado a prueba nan mes y bira realidad casi identico cu nan pronostico.

Mike de Meza, parlamentario di partido AVP, elaborando riba situacion di petroleo cu ta afec- tando nos pais directa y indi- rectamente, a duna di conoce cu atrobe mundialmente prijsnan di crudo a aumenta, riba di US\$ 100. Durante e ultimo siete aña prijs di crudo a aumenta cu mas o menos 400%. Na 2001 e prijs average di crudo tabata rond di US\$ 25 pa bari, awe na 2008 esaki aumenta y ta riba di US\$ 100 pa bari.

Tin hopi pronostico cu a wordo haci na diferente paisnan dor di

ehecutivonan y instancianan re- conoci na mundo riba e tereno petro-industria. Esakinan ta pronostica cu e prijs di crudo lo aumenta y por yega US\$ 125 te cu US\$ 150 pa bari den fu- turo sercano. Esaki lo causa un desastre economico na mundo en general y especificamente na paisnan cu no ta prepara y sigur na paisnan cu ta depende di importacion di productonan pa nan sobrevivencia.

Ta asina cu e gran cantidad di minanan di azeta cu a wordo explota for di principio ta e minanan menos complica. Awor cu e minanan complica mester wordo explota, como consecuencia di liquidacion, e proceso a bira mucho mas compleho y sigui mucho mas costoso. E otro causanan cu a contribui na e aumento di prijs di crudo ta entre otro: consumo enorme di productonan petrole- ro na China y India, cu ta e dos paisnan cu mas habitante na

mundo. Tambe e tension cu tin na mundo entre algun pais.

Parlamentario di AVP ta ex- presa cu si analiza localmente e maneho di gobierno awe caminda costo di bida ta sigui aumenta, e efectonan pa Aruba lo bira desastroso. Esaki lo pone un peso asina grandi riba nos cu e lo manca e economia di Aru- ba. Na e momento aki gobierno di Aruba no tin un maneho riba economia ni riba asuntonan di energia, como tampoco un vision riba e problematica di energia mundialmente. Y peor ta cu gobierno y e compani- anan di utilidad ta keda inverti solamente den un direccion cu ta e sistema convencional di fuel oil.

Pesey na final Mike de Meza un biaha mas ta duna di conoce cu solamente si Aruba tin un vision alternativo bon argumenta, studia y documenta nos lo por enfrenta e crisis mundial di en- ergia, y e mester bin awor!

DIA pa dia e situacion global pa cu e crisis den energia ta bira mas bisto pa esnan cu no diariamente ta involvi den e materia. Calculo y estimacion hasi dor di expertonan mundial ta indica cu aki 10 pa 15 aña e consumo mundial di azeta lo aumenta cu 45 procento y e demanda pa electricidad y awa potabel lo aumenta cu 55 procento. Awor si e produccion aumenta abase di datos for di añanan nobenta te presente, nos lo tin un deficit den candi- dad di azeta mas grandi cu nos por imagina nos mes, Mike de

John vd Biezen, miembro di AVP

Pensionado y esnan di menos recurso ta sigui sufri na man di gabinete Oduber



DURANTE e casi 7 aña di gobernación di Gabinete Oduber 3 y 4 Aruba a conoce un sota di medidanan y tambe e famoso y doloroso BBO cu a causa un desastre financiero pa hopi hogarnan di menos recurso.

Pa hopi tempo integrantenan di Gabinete Oduber 4 a difama contrincantenan politico usando argumentonan manera: Cos ta hopi malo; situación di Aruba ta malo a causa di gobernacion anterior; tin hopi debe; y esun mas conoci di partido MEP ta: Ban tuma medida. E berdad y realidad amargo di tur esaki

ta cu hopi hende a wordo manipula y gaña pa asina saca probecho for di nan, usando e placa recauda di tur e diferente medida nan y e BBO pa asina nombra alrededor di 1500 ambtenaar politicamente cu e respectivo 1500 salarionan nobo.

Tambe e placa recauda di e medidanan a bai entre otro pa paga diferente abogado entre otro, Omo di Minister Swaen, ruman di Minister di Justicia, Rudy Croes. E suma pa pago di huurmento di edificio perteneciente gran parti na ruman di Minister di Hsticia y esnan hopi cerca di parlamentarionan y ministernan di MEP a wordo aumenta. Con nos por sa?

Cada biaha cu Gabinete Oduber introduci un medida nos por spera mas nombracion politico of spera mas aumento di huurmento di edificacionan. Un ta liga cu e otro. Durante diferente gobernacionan di signatura di MEP e mesun storia ta ripiti: Tuma medida y nombramento politico na gran cantidad. Y na momento cu partido AVP tabata tuma gobernación over e tabata kita tur e medidanan implementa door di partido MEP. Pueblo di Aruba ya no ta sucumbi mas pa mentiranan politico cu e proposito pa hunga cu sentimento e inteligencia di simpatisante nan.

Si berdad Gabinete Oduber tabata tin pueblo di Aruba na pecho, e lo no a nombra 1500 hende extra políticamente den aparato gubernamental ni tampoco lo ta sigui beneficia rumanan di mandatarionan cu placa di huurmento di edificio

cu consecuencia cu mester tuma medida pa paga e salarionan nobo aki y tambe e mobilario necesario pa e 1500 ambtenaar extra aki. Gabinete Oduber 4 ta parece di no tin consenshi ni du-ele ora ta malgasta y mal usa e placa recauda di e diferente medidanan cu e mesun Gabinete aki a implementa. Cu ki cara y argumentonan gobernantenan y parlamentarionan di Gabinete Oduber 4 lo bai bishita cas durante siguiente campaña?

Ki splicacion por duna e pensionadonan y esnan cu ta cobra salario minimo y onderstand na momento cu nan puntra: Pakiko boso no por a usa e placa recauda di BBO y otro medidanan pa drecha cuidio medico y asina por haya e remedinan bek cu a wordo kita for di nos?

Pakiko boso no por a inverti e placa cu boso a kita for di nos pa aumenta e seguridad y bienestar di nos pais? Pakiko no por a inverti e placa aki pa enseyansa y drecha e schoolnan cu ta den un estado deplorabel? Pakiko boso a usa mi placa pa paga pa traha un brug di 600 mil florin pa un proyecto familiar di Minister Marisol Lopez Tromp? Pa ki motibo boso no a usa e placa cu boso a ranca for di nos pa asina hisa onderstand cu ne?

Esaki nan ta algun reaccion cu por spera di pueblo di Aruba cu ya no ta kere den storianan di fantasia. Partido AVP tin un compromiso no di solamente reduci y después kita e BBO por completo, pero tambe di drecha e status social y calidad di bida di hogarnan aki na Aruba y sigur di esnan di menos recurso.

Kico bo ta **WARDA?**

E no ta un secreto cu na Merca tur cos ta mas barata cu na Aruba

Aunke nos no po trece awa y coriente hopi, pero hopi otro cos si!



MERCA
8219NW 191 LN
Miami, FL 33015
(786) 281-2408

ARUBA
Margrietstraat 3
(297) 749-7669

www.your-connexion.com
orders@your-connexion.com

tuma contacto cu nos awe mes, bishita nos online of djis manda nos un email y nos ta cla pa servibo

AWE **Mainta**
e corant di Toko
Tel: 583-1400 Fax: 583-1444

Biblioteca San Nicolas a habri su portanan na YMCA San Nicolas

Miembronan di biblioteca San Nicolas no ta paga but



BIBLIOTECA San Nicolas a habri su porta bek pa publico y ta brinda e servicio di presta buki na publico manera custumber. Miembronan di biblioteca cu a keda cu buki na cas por bai entrega nan trankilamente sin preocupa cu mester paga but. Biblioteca San Nicolas ta situa, temporalmente, den edificio di YMCA San Nicolas cu ta keda banda di Joe Laveist Sportpark.

Pa hopi dia miembronan di biblioteca San Nicolas no por a haci uso di nan facilidad. Pero esaki ta tras di lomba mientras cu renovacion di e edificio bieu a cuminsa awor. Gerente di Biblioteca Nacional Aruba ta consciente cu esaki tabata un situacion hopi fastioso pa su miembronan. Pesei no ta cobra but riba e bukinan cu a keda na cas tur e dianan cu e biblioteca a keda sera. Ta spera cu tur e

miembronan ta haya nan caminda pa e facilidad temporario na YMCA.

Biblioteca Nacional Aruba ta contento cu por sigui duna un bon servicio na San Nicolas. YMCA ta cerca di hopi scol y sigur hopi estudiante lo por yega eynan pa haci uso di e facilidadnan cu Biblioteca tin pa ofrece. Haci bo biblioteca un bishita. Tur hende ta bon bini.

Mike de Meza ta patronisa buki pa tur scol di pariba di brug & Sta Cruz



INGENIERO Mike de Meza a haci entrega di un total di 200 buki di autor Yolanda Croes na tur scol secundario Pariba di Brug y Sta Cruz. Acompaña pa e autor, e patrocinador generoso aki a haci entrega di e novelanan skirbi na Papiamento "Acompaña pa un Angel," "Unda bo ta Mami" y "Perdi riba lama" na e siguiente scolnan di Pariba di Brug: EPB-San Nicolas, Filomena College y

Abraham de Veer Mavo. Tambe Sr. Mike di Meza a patronisa buki di Yolanda Croes pa e scolnan di EPB-Sta Cruz y San Antonius College na Sta Cruz. Den nomber di e cabesantenan y docentenan di Papiamento di e respectivo scolnan y sigur no na delaster lugar den nomber di e alumnonan, e escritora kier a gradici sr Mike de Meza pa su tremendo aporte na su Campaña pa Promove Lesamento

na Aruba. Tur scol a expresa nan preocupacion pa e falta grandi di buki na Papiamento pa e studiantenan cu tin di lesa Papiamento pa nan examen y a ricibi e donacion aki cu brasa habri. Riba e combinacion di potret, por aprecia momento cu Mike de Meza y Yolanda Croes ta entrega e bukinan na e cabesante y docentenan di Papiamento di e scolnan ariba menciona.

Tremendo ambiente Concierto Dominical

Scirbi pa Ruthy "Lady Ruth" Vrieswijk-Bergen

TABATA un diadomingo super dushi atrobe, na Manchebo French Steak House, cu un otro concierto dominical unico. Cu tur e stulnan ocupa, y cu bista y curason fiha y inspira.

Un publico grandi, cu a disfruta di e dushi ambiente crea pa e artistanan talentoso e mainta y merdia aki. Mi no lo bai relata en detayes tur e artistanan, ya mi a yega di scirbi y menciona varios di nan con bunita nan presentacion ta. Simplemente mi kier focus awe ariba e North Steel Orchestra cu a causa hopi, pero hopi furorrrr !!, (mi ta spera cu mi tin nan number di grupo corecto - Por ta Noord Steelpan Orchestra ?) Y e cantanenan Ruth (No no ami, pero un di mi tocayonan) y Elizabeth Pope, kendenan a canta asina bunita cu asina hopi sentimiento Un mainta/merdia hopi varia, cu tokenan clasico di piano y fluit, bolter over na steelpan y termina cu un grupo di musiconan tocando musica jazz. "Go with the flow" den e subida y bahadanan

Amantenan di baile a los e pianan hopi, no un tiki, pero hopi, ariba e dushi ritmo y melodianan contagioso di e steelpan orchestra aki, cu planes na caminda pa ofrece y comparti nan talentonan di curason cu mas hende y na mas ocasion. Aki mi tin cu menciona e artista escritor y poeta Gwendy Sneek como un fantastico bailado riba pista cu e conocido DJ y of presentador di su programa radial, esta un colega y amigo Vic. No por a falta e segundo himno nacional di Aruba, un di e regalonan di mas precioso cu nos tata di cultura Padu a duna su pueblo hopi pero hopi aña pasa, dedica cu hopi amor

na su bunita esposa Daisy dfm, y cu te awe ta impacta, cada biaha di nobo atrobe, ora bo tendele ora e wordo toca pa cualquier instrumento of ora bo mes forma parti di e coro grandi forma pa e publico presenta na e momento ei, esta, e cancion inmortal: "Abo so". Ta un gozo, simplemente "Joy" pa sinti tanto amor expresa pa voznan y curasonnan uni na e momentonan ei. E steelpan a toca tambe e cancion di Rudy Plaate "Toch mi sa", pero cu nan a titule como "Bo mirada"...algo cu a sona un tiki straño den mi orecnan. Quizas ta asina ta e number di e cancion aki, anto ami a kere pa añanan largo cu ta "Toch mi sa". Of nan tin e number robez.?

No, mi no ta bai coba den ningun fundeshi pa haya sa, bisami ora nos topa atrobe na un di nos actividadnan cultural dushi yen di ambiente. Thank you "Elizabeth" for dedicating that beautiful song to Ruthy and Jackson! (and to your beautiful mom and sister Shirley). It was fabulous! Ydanki na mi gran amigo di tur tempo, e caballero Calvin Jackson pa a comparti un wals cu mi, ariba e pista alegre, y tambe pa a comparti e duuuushi calypso, cu zjeito y cu style! Nos a goz'e all the way!!!

Un bunita diadomingo atrobe, bon guia pa e maestra di ceremonia elegante, cu su mesun zwainan sofisticada ariba pista, Joyce Pereira. E soundsystem tabata tremendo manera ta e custumber y e servicio "di kita sombre", atento y cu caranan contento. Berdad....Sr. Ike Cohen (dfm) no tei mas den carni, pero su amor pa e cultura di Aruba, y su hendenan talentoso lo keda semper serca di nos curazon! Rita.....

it was more than a beautiful concert, it was beauty in the hearts! Pabien na tur cu di un of otro forma a forma parti di e gran diadomingo aki!!

Y....last but not least.. "Mama Alva"danki pa e palabranan y consehonan yen di sabiduria!!

Poesia

Carlos , Edna , Edgard ,
Sorayma i Carlwyn Britten ta dedica e poesia aki na nan suegra , mama i wela stima Sra. Guanita Trimon-Tromp q.e.p.d. cu a bai descansar den Reino di Senjor.

" MAMANITA."

Tur diadomingo tempran

Mamanita ta move man

drentando den cushina

pa prepara su cuminda

un weya grandi di sopi

ta cla pa cuminsa ricibi

su yiunan i rumannan

pa disfruta loka pa nan

mamanita a bin prepara

e cas ta jena pa hunga

domino como divertishon

nos welo jen atenshon

ta brinda su admirashon

asina nos tambe a gosa

di nos wela i welo stima

cu awe hunto ta encontra

den e Paraiso Divino .

scirbi pa : Omaira I.Rodriguez-Britten

Homber ta rabia como cu e no ta contento cu resultado di dokter

POLI ta yama polis diadomingo atardi 4'or, pa un paciente fastioso y no kier bai di poli, despues cu el a haya tratamiento. Ora cu polis a yega nan ta haya informacion cu un persona a bin pa tratamento y despues cu dokter a caba di trate, el a rabia y bira onbeschoft, como cu e no a keda contento cu e resultado di e dokter.

Ora cu polis a yega e no tabata mas na poli. Polis a bai y na caminda ta topa cu e homber R.A.B.T. naci na Aruba di 43 aña, kende ta bisa polis cu e tabata esun cu tabata haci fastioso na poli. El a declara n'e polis cu e tabata involvi den un bringamento y a haya golpi na su schouder. El a bin poli pa tratamento, y ta sinti hopi dolor. Awor dokter ta bise cu e no tin nada. Polis a dicidi di hibe y bahe na shelter, pa evita cu e lo bolbe bai poli y causa problema.



Mementomori Funeral Home N.V.

Yolanda - Leo - Eugene
Tel: 5833358 - Fax: 5837711

"Cerca Dios so mi alma ta na pas,
ta di dje E mi salvacion ta bini. "

Ps. 62:1

Cu inmenso tristeza na nos curazon, nos ta participa cu a fayece cristianamente na Hulanda:



Omar Alwin Geerman

24 mei 1950 - 25 februari 2008

Na number di su:

esposa: Diny Geerman-Schuite
yiunan: Natasha Geerman y Fritz
Omaira Geerman y Soyan

nieta y nietonan: Chicco, Luca, Senna,
rumannan: Helouisa "Loetje" van Wilgen
Carlito Werleman y famia
Henk y Carmen Russel y famia
Hugo Geerman y famia
Omelia Geerman y famia

Hubert y Gerda Giel y famia na Hulanda

swa y cuñanan: Hillie Schuite, Willemijn Schuite, Hans Schuite

mihor amigonan: Freddy Lacle
Giovanni Ragonath

famia: Russel, Geerman, van Wilgen, Giel, Werleman,
Dirksz, Bello, Ragonath, Kelly, Sussenbach, Hodge, Hart y demas
famia na Hulanda, Merca

Acto di cremacion ta tuma lugar diabierna 29 februari 2008 na Enshede, Hulanda,

Alavez nos kier a invita pa tres santo sacrificio di misa pa 7'or di anochi:

-diasabra 1 di maart 2008 na Misa San Francisco

-diadomingo 2 maart 2008 na Misa San Francisco

-diamars 4 maart 2008 na Kapel di Madiki

Adres pa condolencia na Aruba: Caya Frère Stanislas 20-G
Diarazon 27 di Februari di 7'or pa 9'or di anochi

Adres pa corespondencia na Hulanda: Demmerskamp 37
7524 CM Lonneke

Homber a bai laga cas pa señora cu a yega cas bou su awa

POLIS ta bai diasabra anochi, 11.30 na un cas den Pitastraat, unda e homber A.R.V. naci na Colombia di 48 aña a pidi asistencia, debi cu su casa B.R.V. naci na Colombia di 41 aña, a yega cas bou su awa y tabata haci basta fastioso. El a hasta dal e homber. E homber a defende su mes basta biaha, pero al fin a dicidi di bai na cas di bisña, asina e por yama polis pa bin papia cu madam. Ora cu polis a yega nan a mira enberdad cu e señora tabata burachi, y a purba na papia cune, pero e no tabata razona cu nada. E homber a bisa polis cu pa no tin mas problema el ta bai drumi otro caminda.

Chofer sin ningun papel, ta trata onbeschoft contra polis

POLIS durante patruya diadomingo mainta pa un 9.15, ta mira e auto A-50744 mal para den Rembrandstraat y ta strobando trafico. Polis a para pa controla un ke otro, pa mira kende t'e chofer.

Polis ta mira e hoben R.E.E.N, naci na Hulanda di 22 aña, para n'e otro banda di caminda. Ora cu el a mira polis, el a grita nan, si nan no tin nada di haci, awe ta diadomingo.

Polis a hala su atencion pa su comportacion y a puntra pa e papelnan di e auto.

E hoben, no tabatin ningun papel di e auto. Ora cu polis a bai controla a resulta cu e number no tabata cuadra cu e auto tampoco. Polis a takel e auto hibe warda, y R.E.E.N a haya un boet.

Polis a logra pone man riba chofer cu a causa hit and run

POLIS durante patruya diadomingo madrugada mas o menos 2'or, ta mira banda di La Linda den Caya Betico Croes, e auto numerada A-41466 coriendo zig-zag riba caminda. Polis a nota cu e chofer lo tabata bou di influencia di alcohol, y a duna un señal p'e para, pero e chofer no a haci caso y a sigui core trankiel di dje. Polis a drenta den contacto cu Central di Polis, cu a bisa nan cu e auto ei, tabata involvi den un dalmento na altura di Mai Store. Mesora polis a sigui su tras y a haci tur lo posibel pa nan por para e auto. El a sigui core y polis a logra pare te den Columbusstraat, na altura di Checkpoint Colour. E chofer, J.G.G.N. naci na Venezuela, tabata basta burachi. Polis a detene y a hibe warda, na unda el a haya un cuarto gratis.



Mementomori Funeral Home N.V.
Yolanda - Leo - Eugene
Tel: 5833358 - Fax: 5837711

“ Señor ta mi wardador, mi no tin falta di nada;
Den cunucu di yerba berde, E ta ponemi sosega.
E ta hibami na awa tranquil, pa mi bolbe haña forsa. ”
Ps. 23:1,2,3

Cu hopi triteza, pero conforme cu boluntad di Dios, nos ta anuncia fayecimento inespera di:



Crescencia Orman
mihor conoci como: “Crisi”

Na number di su:
ruman: Theodoro y Haidia Orman-Blom
sobрино y sobrinanan: Theo y Nelly Orman y famia
Kenny y Mayra Orman y famia
Mayra y Rochi Maduro y famia
Suzette Orman
Margareth y Azar Hussein-Orman y famia
Myrna Orman y famia
omo: Boes Orman
tanta: Juanita Orman
primo stima: Sergento Pascual Ras y famia na Merca
mihor amigo di cas: Mario Francisco Quandt
Mai Tromp y famiaprimo y primanan, comer y compernan, ihanan, amiganan di cas

famia: Orman, Blom, Ras, Lopez, v. Cleef, Arens, Hill, Gil, de Cuba, Matos, Maduro, Croes, Chundro, Dirks, Quandt, Hoek, Tromp, Sofia, Lacle, Faro, Helder, van Gelden, Jandor, Kelkboom, Monah, Dirksz, Olivir, Pieternella, Zievinger, Thomas, Koolman, Sievinger, Holsman, Martes, Dania, Swaen, Sevinger, Quant, Cornelie, Matheo, Lambertus, Ridderstap, Colina, Martinez, Rojas, Pourier, Geerman y demas famia ta invita tur amigo, bisña, conoci y compañeronan di oracion pa asisti na e **acto di entierro cual ta tuma lugar diaranson 27 di februari 2008 pa 11'or di mainta saliendo for di Misa San Francisco pa santana catolico den Caya Ernesto Petronia.** E resto mortal lo ta reposa for di 9'or di mainta den Misa San Francisco na Oranjestad


Nos ta lamenta cu despues di entierro nos no por ricibi bishita di condolencia na cas.

Despensa nos si den momentonan di nos tristesa nos por a lubida un of otro famia.



Mementomori Funeral Home N.V.
Yolanda - Leo - Eugene
Tel: 5833358 - Fax: 5837711

Cu inmenso tristesa na nos curazon y agradecido pa tur loke e la significa y haci pa nos, nos ta participa fayecimento di:



Sr. Eduardo Jesus Lanoy
Mihor conoci como: Eduardo of Lalo

Na number di su yiunan:

Bernardo A. “Ronnie” Lanoy y Marushka C. Lanoy-Rumay
Maria A. Weert-Lanoy y Victor Weert
Ana Isabel Lanoy
Sandra R. Lanoy

Nieto y nieta:

Raissa C. M. Lanoy
Christopher A. Lanoy

Suegra:

Sra. Idith F. Rosario y famia

Rumannan na Venezuela:

Carmen Guanipa y yiunan
Marina Guanipa y yiunan

Rumannan na Aruba:

Sra. viuda Virginia Tromp-Lanoy
Agnes Lanoy y yiu
Albertina Lanoy y yiunan

Swa y Cuñanan:

Sra. viuda Petra Beatrix Henriquez y famia
Maria y Alejandro Koolman y famia
Reyneta y Jacobo Wouters y famia
Sra. viuda Olga Schwengle-Rasmijn y famia
Sra. viuda Veneranda Lanoy-Kock y famia
Sr. Angel Millan y famia na Venezuela

Omo na Venezuela: Ely Puyosa y famia

Tanta na Venezuela: Nicolasa Puyosa-Irausquin y famia

Sobрино y sobrinanan na Aruba y Venezuela

Amigonan di cas:

Margarita y Edwin Maduro y famia
Agnes Henriquez y famia
Maiky y Zuri Wouters
Jazmin Ruiz y famia na Colombia

Staff y personal y compañeronan di Huize Maristella
Su ex coleganan y amigonan di Victoria Bottling Company

Y demas famianan: Lanoy, Guanipa, Schwengle, Henriquez, Koolman, Wouters, Wever, Kock, Rumay, Rosario, De Cuba, Satornilia, Arends, Weert, Ventura, Catari, Millan, Cornelie, Webb, Greaux, Winterdaal, Maduro, Boezem y Puyosa ta invita tur amigo, famia y conocirnan pa asisti na e **acto di entierro, cual lo tuma lugar Diamars 26 di Februari 2008 pa 4.00 di atardi, saliendo for di misa Sagrado Corazon pa santana Catolico na Savaneta.**

E resto mortal lo ta reposa for di 2:00 di atardi den Misa Sagrado Corazon na Savaneta.

Dia pa condolencia: Diadomingo 24
Horario: 7:00 PM pa 9:00 PM.

Adres pa Condolencia: Mementomori Funeral Home na Arendstraat, Oranjestad.

Nos ta lamenta cu despues di entierro nos no por risibi bishita di condolencia na cas.
Nos kier pidi nos disculpa si nos por a lubida un of otro famia den nos tristeza.



Animal Rights Aruba

EMERGENCY PHONE NUMBERS

Veterinary Services: 585 0400 **Pick up of injured animals or animals to be euthanized**

Contreras Veterinary: 587 0917, 587 4467, 993 0404


Wayaca Clinic: 582 1720

Weekend emergency: 911 **Advise which doctor on call**

Animal Shelter: 582 1623 **Last resort**

Serlimar: 584 5080, 584 6152, 584 6456 **Pick up dead animals**

We save, we care, we educate!



B&P/ INTERFACE ARUBA N.V.

TRAINING AND CONSULTANCY

We are pleased to announce our training schedule for the month of February 2008. We can also provide these training sessions as, customized In-Company training.

- ▶ **Handling Customers Complaints** (Starting Feb. 18)
- ▶ **Notuleren** (Starting Feb. 25)
- ▶ **Practical Management** (Starting March 4)
- ▶ **Human Resource Management** (Starting March 6)
- ▶ **Secretarial Management** (Starting April 2)
- ▶ **Labor Law in Aruba** (Starting April 2)
- ▶ **Telephone Behavior** (Starting April 8)

For additional information and registration please contact us at Telephone 594-5533 / 587-7850 or Fax number 587-6011.
 Email: bpinterfaceaua@setarnet.aw Web Site: www.bpinterface.com

UPGRADING PEOPLE IS OUR BUSINESS !

Bo ta gusta lesa? Participa den un Bookclub na biblioteca

BIBLIOTECA na Playa tin diferente bookclubs, gruponan chikito di personanan cu ta gusta lesa y combersa riba e buki cu a lesa. E grupo ta scohe un buki cu nan tin gana di lesa. Despues ta bini hunto pa combersa riba e storia, e tema, e estilo di skirbi y otro aspectonan di e buki den un ambiente ameno. Actualmente ta buscando mas miembro pa un di e book clubs di adulto. E actividad aki ta tuma lugar parti mainta, un ora y mei asina, un vez pa luna. Ta invita personanan interesa pa participa yama biblioteca y laga number y number di telefon cu Gina, na # 582 1580 of manda un e-mail na info@bibliotecanacional.aw

LOTTO FLORIDA

**Awe Na
7430734**

Servicio pa Comunidad

Telefon di Emergencia

Number di emergencia	911
Polis	100
Brandweer	582-1108
Ambulance Orstad	582-1234
Ambulance S.N.	584-5050
Hospital	587-4300
Centro Medico	584- 8833

Botica na Warda

Pabou di Brug: Botica Paradera
 Pariba di Brug: Botica

Dokter na Warda

Pabou di Brug: Dr. Samuels
 Pariba di Brug: Dr.

Otro Servicionan


Setar Info	118
Digicel Info	145
Setar	582-5151
Elmar	582-3700
WEB	525-4600
Serlimar	584-6456
Rode Kruis Aruba	582-2219
FADA	583-2999
AA/NA helpline	583-8989
Fund. Abuso Sexual	582-4433
Fundacion Guia'mi	587-1677
Fund. Muher	
den Dificultad	583-5400
Fund. Tel. Pa Hubentud	131
	588-6138
Accion Rescate	584-2718
Centro Kibrahacha	588-3131

Polis

Polis Tipline	11141
Oranjestad.	582-4000
San Nicolas	584-5000
Savaneta	584-7000
Santa Cruz	585-4710
Noord	587-0009
Strandpolitie	586-3003
Balashi	585-2500
Aeropuerto	582-4800
Aruba Transfer Tour & Taxi	
	583-2856
	582-2116
Best Taxi Services	588-3232
Coop. Ver. Tas	587-5900
ATS	583-5361
Arugas	585-1198
S.O.S. Teleayudo	583-1190

EDITA PA: The Media Group,
 Margrietstraat 3, Oranjestad, Aruba, tel.
 (297) 583-1400, fax. (297) 5831444,
 E-mail: mediagroup@setarnet.aw.
 CUENTA DI BANCO: C.M.B. #229-
 82600. BENTA LOS Afl 1.50.
 ABONEMENT Afl.35,00 pa luna.
 ORA DI OFICINA: Dialuna pa Diabierna
 8 a.m. - 5 p.m.
 IMPRENTA: Imprenta Nacional Arubano.
 DIRECTOR: Victor iTokoi Winklaar &
 Victor R Winklaar.
 REDACCION: noticia@awemainta.com.
 BENTA DI AVISO:
sales@awemainta.com

Resultado di Loteria



LOTTO CATOCHI 9717 5261 3079	ZODIAC 7689 Acuario	SUPER FOUR 1437	DIARIO 5925 1026 0812
LOTTO DI DIA 06-11-26-29-30		CORSOW	



su | do | ku

© Puzzles by Pappocom

Instruccionnan di wega Completa e tabel (cu 9 cuadra) di 81 hoki dividi den 9 rij y 9 colom, yenando e hokinan bashi cu e numerbnan di 1 te 9, sin ripiti ningun cifra den cada rij, ni den cada colom, ni den cada cuadra.

	6	1	3	9				
	5						6	
4		8	9					7
	7	3	1	8	2			
	1	4	9	7	6			
3		9	6					5
	2						8	
	4	5	2	1				

EASY # 1

4	3			1	7			
	7	5	3	6				
9								5
		3	5	9				
	7			8				
		8	7	6				
2								8
	3	6	4		2			
8	1			5	4			

MEDIUM # 2

1

8	7	6	1	5	3	9	4	2
1	5	9	2	7	4	3	6	8
4	3	2	8	6	9	5	1	7
5	6	7	3	1	8	2	9	4
9	4	3	6	2	5	8	7	1
2	8	1	4	9	7	6	5	3
3	1	8	9	4	6	7	2	5
6	2	5	7	3	1	4	8	9
7	9	4	5	8	2	1	3	6

2

4	5	3	9	6	2	1	8	7
1	7	8	5	4	3	2	6	9
9	2	6	7	1	8	3	4	5
6	8	4	3	5	9	7	1	2
3	9	7	4	2	1	8	5	6
5	1	2	8	7	6	4	9	3
2	4	9	1	3	5	6	7	8
7	3	5	6	8	4	9	2	1
8	6	1	2	9	7	5	3	4

FOCUS RIBA FAMILIA

Libertad y respet

Un hende a yega di bisa cu si bo ta stima algo masha hopi mes, lag'e bai. Si e bin bek serca bo, e ta dibo pa bida largo. Si e no bin bek, pa cuminsa nunca e tabata dibo.

Ora ta trata di relacionnan romantico, algun individual ta bira asina motiva pa haya un hende pa stima cu nan ta cuminsa viola principionan bon conoci di libertad y respet den interaccion humano. Esey ta mescos cu apunta un slang di awa riba un candela.

Mi a tende di un hoben cu tabata determina pa gana e afecto di un chick cu te hasta a yega di nenga pa top'e.

E yoncuman a dicide cu e caminda pa corazon di e chick ta pa medio di post, asina ta, e'la cuminsa scirbi carta tur dia. Ora e no haya contesta e ta aumenta su frecuencia te cu 3 nota cada 24 ora. Na tur e'la scirbi mas di 700 carta, y como resultado di esey, e chick a casa cu e partido di carta.

T'asina e sistema ta traha. Aparenta demasiado ansioso y demasiado disponibel, por cierto ta aleha hende envez di atrae nan den un relacion di compromiso.

Amor romantico ta un di e esfuerzonan raro humano cu tin miho exito ora e ta requeri menos energia. Y corda cu respet ta prome cu amor, y cu relacionnan constantemente ta worde poni na prueba pa amantenan cauteloso cu ta gusta grawata e haas prome cu nan guli e anzué.

PANADERIA DEL PUEBLO



Guyabastraat 4, Dakota Tel: 582 4748

Arusa Mail Box
BO CONECCION CU MERCA
 SHOP ONLINE: www.arusamailbox.com

Bo a mira algo riba television, website of catalog y bo no sa con pa cumpre or order e producto? Nos ta bo solucion

Pa mas informacion yama
583-2459 of 583-0631
 Dakota Shopping Paradise - Amandelstraat 1

Animal Rights Aruba

EMERGENCY PHONE NUMBERS

Veterinary Services: 585 0400 **Pick up of injured animals or animals to be euthanized**

Contreras Veterinary: 587 0917, 587 4467, 993 0404

Wayaca Clinic: 582 1720

Weekend emergency: 911 **Advise which doctor on call**

Animal Shelter: 582 1623 **Last resort**

Serlimar: 584 5080, 584 6152, 584 6456 **Pick up dead animals**

We save, we care, we educate!

BULA JUMP

PA TUR FIESTA PA MUCHA YAMA

5923523 / 5838769

Horoschoop

Aries 21 Mrt - 20 Apr
 Bo finanzanan lo lanta y lo bo goza di mayor libertad personal. Lo bo por haci algun gasto y regala bo mes algo cu pa hopi tempo pasa bo lo kier tin.

Tauro 21 Apr - 20 Mei
 Un superior tin un influencia desagradabel den bo awe, bo mester ta mas firme y lague sa loke bo ta opina.

Geminis 21 Mei - 20 Jun
 Wak rond di bo y descubri si tin alternativanan na bo patronchi scohi. Lo bo wak cu si!

Cancer 21 Jun - 20 Jul
 Bo condicion economico ta mantene y panorama a largo plazo ta saludabel y lo yudabo na considera posibel cambianan di carera cu un optica mas serio.

Leo 21 Jul - 20 Aug
 Ora bo papia cu otronan riba bo plannan, soñonan, speranza y inseguridadnan bo ta haciendo algo util na favor di adopta un enfoke corecto den e periodo dificil aki di transicion.

Virgo 21 Aug - 20 Sep
 Awe ta bo ultimo chens di realiza e proyecto cu bo ta stima y cu a forma parti di bo soñonan pa hopi tempo.

Libra 21 Sep - 20 Okt
 Un decision importante relaciona cu propiedad por tin un gran impacto den finanzas. Bo mester bai na fondo pa e proyecto realiza.

Scorpio 21 Okt - 20 Nov
 Frustracion of inseguridad den bida profesional ta bira evidente. E causanan mas profundo di e sentimentonan ey ta refleha den bo soñonan.

Sagitario 21 Nov - 20 Dec
 Bo a bin ta prepara pa un decision importante. No pura y si ainda bo no ta sigur, pidi mas informacion.

Capricornio 21 Dec - 20 Jan
 Planetanan ta duna un push na bo carera, nan ta na bo banda y lo yudabo actua.

Aquarius 21 Jan - 20 Feb
 Bo por haci plannan fascinante di biahe si bo uni cu un amigo of colega y ta planea un biahe hunto.

Piscis 21 Feb - 20 Mar
 Bon dia pa placa di spaar, asuntonan di propiedadnan. Sigur e decisionnan cu wordo tuma den e areanan ey lo duna nan dividendonan mas laat.

TIPO DI CAMBIO OFICIAL

Valido pa 26 Febr 2008

Placa Extranhero	Bank Papiere	Wisselen, Cheque Reis Cheque en Over Boeking	Benta na Publico
US Dollar	1.77	1.78	1.80
CAN Dollar	1.75	1.77	1.79
Engelse Pond Sterling	3.44	3.49	3.55
Zwitserse Frank per CHF. 100	163.28	164.00	164.80
Ned.Ant. Gulden per ANG. 100	98.00	100.00 biljetten chq./overboeking	100.20 100.00
Japane yen per JPY. 10.000	163.74	165.24	166.99
Euro per XEU. 100	261.51	263.90	266.55



Provision di Devisa 1.3%
 Segun articulo 12 di Afkondigingsblad di Aruba 1991 nr.GT 32.
 Banco Central di Aruba ta defini e tipo di cambio oficial pa e cambianan di placa extranhero.

BANCO DI CARIBE
 Nos ta honra Bo confianza

E Potret di Dia

noticia@awemainta.com



Sydney, AUSTRALIA: E crucero Queen Victoria ta mara serca di e Harbour Bridge na Sydney. Miles di hende a bay Sydney Harbour pa mira e crucero Queen Elizabeth 2 riba su ultimo biahe pa Australia pasa banda di su barco ruman nobo, E queen Victoria.

Nos Mundo Loco**E caida di e ladron romantico**

Un ladron romantico cu a enamora di e cahera di e oficina di post cu e atraca a ser gara despues cu e a bay back pa puntra pa un date.

Bruno Perez di 31 aña, a forza Lucia Marcelo di 21 di dune tur e placa cu un arma di candela na e oficina di post na Geneoa, pero no por a sake for di sake di su cabez.

Dus e dia siguiente ela compra un aregloa grandi di flor cu parti di e placa cu ela horta, y a regresa na e escena di crimen pa pidi disculpa y pidi e mucha muher pa un date.

Pero su amor a mantene ta papia mientras ela activa un alarma silencioso cu ta conecta cu e warda di polis, y ela ser aresta algun minuut despues.

Un vocero di polis a bisa: "Ta parce cu e no por a resisti di regresa y pidie pa e sali cune, aunke cu e tabata sa e riesgo."

Avion a cay den jardin di cas

Un pareha anciano cu tabatin un escape di suerte ora un avion a cay den nan jardin a bisa e pilot "Tanki pa e bishita."

Eileen Watling di 71 y su casa Alfie di 83 aña tabata cla pa mira un pelicula na tv ora un avion liher Cessna cu 2 pasahero a baha den nan jardin.

E señora a bisa: "E pelicula a caba di cuminsa 2 minuut promer ora cu henter e cas a cuminsa sacudi y tabatin un sonido cu a parce como un explosion."

"INmediatamente mi a pensa cu un mata a cay riba e wayanan di coriente pasobro no tabatin coriente na cas. Un homber a core yega na nos porta y a bisa cu un avion a caba di pasa over di su auto y cu ela cay den nos jardin."

"E piloto a sali tambaleando cu sanger na su cabez y su pasahero a sigui cubri na fuel. Ainda mi ta pensa con e avion a yega eynan pero e ta un toke bunita den e jardin awor."

Executive Director di Ansa McAl Group serca Minister President



DIABIerna merdia Minister President sr. Nelson Oduber a ricibi bishita di e Executive Director di Ansa McAl Group di Trinidad, esta sr. Gregory Hill.

E compania Ansa McAl ya tin 125 aña di existencia y tin un gran cantidad negoshi na Trinidad.

Sr. Gregory Hill, kende den

pasado tabata un ehecutivo halto den e banco RBTT, a reuni tambe cu Minister di Finanza Nilo Swaen, Banco Central y AIB. Meta di su bishita serca

Minister President Oduber ta pa muestra riba e disponibilidad di Ansa McAl Group pa coopera y yuda den fortificacion di e desaro economico di pais Aruba.

Prome programa radial di AVP ta poniendo atencion na e situacion precario den pueblo

DIADOMINGO ultimo partido AVP a reanuda su programa radial di tur siman. E programa a wordo transmiti for di cas di famia Reina na Piedra Plat y a crea un ambiente ameno na Piedra Plat 30. Presente di partido AVP tabata miembro di fraccion di AVP den Parlamento di Aruba, Alexander Tromp y miembronan di partido, Clarisca Velasquez y John van der Biezen.

Clarisca Velasquez a habri e programa splicando cu tin un incertidumbre grandi den pueblo ultimamente. Sigur si mira loke ta pasando cu AZV y tambe un djies cu Serlimar. E problema segun e candidata di AVP ta cu e gobierno aki, hunto cu e 11 miembronan di Staten di MEP, no ta serio den nan maneho y ta hasi uso di recursonan di pais Aruba pa favorece asuntonan cu no ta na beneficio di nos pais. Di otro banda Clarisca Velasquez a muestra cu AVP si ta hopi serio den nan trabou, pasobra nan no ta oponer e maneho di gobierno

di MEP djies pa oponer. Prueba di esaki ta e amienda cu partido AVP a presenta den tratamiento di presupuesto di aña 2007 di pais Aruba. Den e tratamiento di presupuesto di e aña siguiente di pais Aruba, partido AVP a bay mas leu ainda y a presenta un presupuesto alternativo. Asina e partido a muestra cu e no ta djies papia pa papia, si no ta presenta con nan ideanan por wordo hasi realidad.

Parlamentario Alex Tromp a papia riba su experiencianan den Parlamento e ultimo añanan. E impresion cu e ta haya ta cu fraccion di MEP no ta trahando den serio pa pais Aruba. Nan ta aproba medidanan manera nada a pasa y awor ta muestra cu nan ta cla atrobe pa aproba mas medida. Tanto AZV y Serlimar tin deficitnan grandisimo y ta muestra cu pa sera e buracan aki, ta bay bati na porta di pueblo atrobe. Esaki ta mustando di ta e modus operandi di e gobierno aki un biaha tras di otro.

John van der Biezen, a muestra

su preocupacion pa e situacion cu nos ta bibando aden. Loke ta hasi henter e asunto aki mas fastioso ta cu e placa recaudador di BBO (y otro medidanan) no ta wordo usa na beneficio di e pueblo. E ta wordo usa pa beneficia "friends & family". Ehempeñan di esaki ta cu ta duna mas y mas hende trabou den un aparato gubernamental cu no por sostene mas ambtenaar. Un otro ehempel ta e tantisimo edificionan cu e gobierno aki ta huur for di famia di ministernan di MEP.

Un hecho cu Parlamentario Alex Tromp a tuma tempo pa reacciona riba dje ta cu for di direccion di MEP y otro partidonan, ta sali e frustracion cu AVP kier baha e cantidad di trahadornan den sector publico. Segun esnan di MEP y otro partidonan, AVP lo kier kita hende for di trabou. Parlamentario Alex Tromp kier a refuta esaki categoricamente. Segun e Parlamentario, e integrantes di MEP no a compronde presupuesto alternativo. Porta cu esaki ta e



consecuencia cu e presupuesto alternativa a wordo skibi na hulandes? Por ta intencionalmente of no, pero MEP a scohe pa no compronde e documento.

E palabra "natuurlijke afvloeiing" ta splica tur cos. Loke AVP ta propone, ta cu mester bin un moratorio riba tumamento di personal nobo den gobierno. E "natuurlijke afvloeiing" ta referi na, por ehempel, ambtenaarnan cu ta bay cu pension, ta retira of por ehempel ta fayece, cu no mester wordo reemplaza. Asina

aki pais Aruba por recupera bek di daño cu e peso financiero di e aparato tin ariba su finanzas. E idea ta uno simpel, pero integrantenan di MEP ta scohe pa no compronde e idea, pasobra e no ta combinan.

Na final di e programa Clarisca Velasquez a gradici tur presente y particularmente tambe e radio oyentenan pa nan atencion y a invitanan pa sintonisa Canal 90, otro siman pa 3:00PM pa un otro edicion di e programa radial di di tur siman di AVP.

Mike de Meza, Parlamentario AVP

Den 7 aña Gobierno di MEP no a inverti den deporte na San Nicolas y vecindario

ASU ta confirma esaki

MIKE de Meza, Parlamentario di AVP ta considera remarcabel cu e parti pariba di nos isla ta wordo negligisha den un forma structural cu por pone cualkier persona kere cu e gobierno actual tin un boycott formal contra San Nicolas y vecindario. Con porta cu tin asina hopi facilidad deportivo pariba di nos isla cu ta den un estado asina deplorable. Ora bo mira awe cuanto problema social tin den nos pais y con tiki durante e ultimo 7 añanan a wordo hasi dor e gobernantenan actual, ta cos di yora, de Meza ta comenta. Hasta deporte, caminda tur hende sa cu deporte ta un gran aporte pa por tin lidernan pa mañan, a wordo totalmente

neglisha dor di e gobernantenan actual pa cu e parti pariba di nos isla.

Ultimo añanan Aruba a conoce un aumento dramático di hobennan cu ta cai den problematica di droga, alcohol, embarazo hubenil y actonan criminal, caminda ya un educacion sano pa hopi hoben no ta alternativa. Tur rond di mundo paisnan grandi y chiquito ta lucha pa contraresta e sintomanan di drogadiccion, criminalidad y embrazo hubenil cu mihor programanan di deporte y educacion, mihor hermentnan y mihor facilidnan pa educacion y deporte. Na Aruba mas y mas ta como si fuera cu

e gobernantenan no ta interesa of concerni cu e ultimo datonan demografico negativo creciente di nos hobennan.

Wak por ehempel con ta para cu Joe Laveist Sport park cu ta den un estado alarmante. Canchanan di basketball, voetbal y baseball den diferente barionan pariba di nos isla. Un situacion realmente inaceptabel pa pueblo. Tambe wak con hopi si no ta tur e clubnan di barionan a bai perdi. Aki ta caminda antes asina hopi cos bon pa e hobenan tabata wordo hasi.

Mike de Meza ta expresa cu e criticanan pa cu gobierno di MEP no ta bin for di no where, ta hechonan cu tambe ta wordo confirma door di presidente di

ASU, Aruba Sport Unie, Jerry Franca, kende den declaracionnan recien a haci e mesun comentario; esta cu gobierno durante 7 aña largo no a inverti den deporte na San Nicolas, cu San Nicolas tabata e parti di nos isla cu mas deportista tabata aporta y awendia no ta ni tende di deportistanan di e parti aki.

E maneho di deporte, educacion y social na Aruba mester di cambianan fundamental caminda tin bista riba termino cortico, medio-largo y largo plaso. Manehonan realistico cu tin e probabilidad mas halto pa duna un resultado cu ta beneficia e pais den su totalidad

y no un sistema pa beneficio di gobernantenan.

Si mira cu den mundo di deporte casi semper tin hopi mas delegadonan (di gobierno y di clubnan) ta biaha cu tin deportistanan ta participa den encuentronan internacional, esaki ta simplemente un berguena cu ningun hende por hustifica. Locual ta necesario na Aruba ta visionnan nobo mas dirigi riba e deportistanan y nan comunidad.

Finalizando Mike de Meza ta expresa cu e trato cu San Nicolas y vecindario ta haya ta inaceptabel. Gobierno tin cu percura pa e maneho integral y total di un pais completo.

Mas ambiente di AIB su di 25 aniversario

